

四庫全書

子部

欽定四庫全書

子部

莊子翼卷一

詳校官盛藻御史<sub>臣</sub>熊駱文

檢討<sub>臣</sub>何思鈞覆勘

總校官進士<sub>臣</sub>何思鈞

校對官中書<sub>臣</sub>張曾效

謄錄監生<sub>臣</sub>徐汝雄

欽定四庫全書

子部十四

莊子翼

道家類

提要

臣等謹案莊子翼八卷莊子闕誤一卷附錄一卷明焦竑撰是編成於萬厯戊子體例與所輯老子翼同前列所載書目自郭象注以下凡二十二家旁引他說互相發明者自支遁以下凡十六家又章句音義自郭象以下

凡十一家今核其所引惟郭象呂惠卿褚伯秀羅勉學陸西星五家之說為多其餘特間出數條畧備家數而已又稱褚氏義海引王雱注內篇劉概注外篇道藏更有雱新傳十四卷豈其先後所注不同故並列之歟今採其合者著於編仍以新傳別之云云今考書中所引自雱新傳以外別無所謂雱注而養生主引劉概一條則概注亦有內篇其說

殆不可解蓋明人著書好誇博與一核其實  
多屬子虛萬厯以後風氣類然固不足以深  
詰至於支遁注莊前史未載其逍遙遊義本  
載劉孝標世說新語注中乃沒其所出竟標  
支道林注亦明人改頭換面之伎倆不足為  
憑然明代自楊慎以後博洽者無過於竑其  
所引據究多古書又竑雖漸染李贄之習援  
儒入墨持論頗乖而於二氏之學則頗有所

會故其所採得莊子之意者為多在儒家則屬旁門在道家猶不失本旨就彼法而論之固較流俗注本為有根柢矣末附莊子闕誤一卷乃全錄宋陳景元南華經解之文亦足以資考證又附刻一卷列史記莊子列傳阮籍王安石莊子論蘇軾莊子祠堂記潘佑贈別王雱雜說李士表莊子九論考宋史藝文志載李士表莊子十論一卷此惟存其九未

喻何故且此九論書中已採其解牛壺子濠  
梁三篇而仍全錄之於末亦為例不純殆隨  
手編纂未及刪併之故歟乾隆四十三年八  
月恭校上

總纂官臣紀昀臣陸錫熊臣孫士毅

總校官臣陸費墀

--	--	--	--	--	--	--	--



莊子原序

老子在晚周著書上下篇明道德之意而闢尹子楊朱  
列御寇亢倉楚莊周皆其徒也諸子唯楊朱無書列子  
在晉末書始行疑後人取莊子之文足成之者故太史  
公作列傳不及列子亢倉子唐王士源所著闢尹子書  
甚高顧嬰兒慈女呪誦土偶之類聃時尚無之亦後世  
知道之士所託為非其真也莊子舊傳五十三篇今存  
者三十三篇外雜篇間有疑其偽者乃內篇斷斷乎非

蒙莊不能作也然則老氏門人之書傳于世者獨莊子耳余既輯老子翼若干卷復取莊子義疏讀之采其合者為此編亦名之曰莊子翼夫老之有莊猶孔之有孟也老子與孔子同時莊子又與孟子同時孔孟未嘗攻老莊也世之學者顧譖譖然沸不少置豈以孔孟之言詳於有而老莊詳于無疑其有不同者歟嗟乎孔孟非不言無也無即寓于有而孔孟也者姑因世之所明者引之所謂下學而上達者也彼老莊生其時見夫為孔

孟之學者局於有而達焉者之寡也以爲必通乎無而後可以用有于焉取其所略者而詳之以庶幾乎助孔孟之所不及若夫仁義禮樂云云者孔孟既丁寧之矣吾復贅而言之則何爲乎此蓋老莊之雅意而非其創爲高也不然形而上者謂之道形而下者謂之器此孔孟之言也今第易道器為有無轉上下為微妙其詞異耳以其詞之異而害其意之同是攻之者之自病也曾足以病老莊乎孔孟老莊閤學者之離其性也而為之

書以覺之不知反其性而曉曉然異同之辨非余之所  
知也時萬厯戊子人日焦竑弱侯書

原書葉次誤就

莊子翼采撫書目

郭子玄注

呂吉甫注

林疑獨注

陳詳道注

陳碧虛注

景元字太初建昌人熙寧間著道德南華二解

王元澤注

雱字龍圖直學士左諫議大夫注內篇

劉槩注

注外雜篇繼雱後

吳儔注

崇觀間人

趙以夫注

虛齋注內篇

林希逸口義

翰林學士景定辛酉著

李士表論

元卓著莊列十論

王旦莊子發題

范無隱講語

應元宇善甫蜀順慶人

褚氏管見

伯秀古抗道士輯南華義海纂微以已意附之名曰管見

南華新傳

義海引王雱注內篇劉鑒注外篇矣道藏更有雱新傳十四卷豈其先後所著不同

故並列之與茲采其合者著于篇仍以新傳別之

莊子循本

廬陵羅勉道著

劉須溪點校莊子

辰翁

荆川釋略

明唐中丞順之著門人徐常吉士彰刻之以傳士彰解附

南華副墨

廣陵陸西星長庚著

莊子通義

毘陵朱得之著

張學士補注

四維蒲州人

莊義要刪

郡守方揚思善學使方沆子及刪褚氏義海成之附以已意以上二十二家係全書

編別  
類次

支道林注

肇論

向秀注

崔譔注

李頤注

張湛注  
晉光祿勳注列子

梁簡文帝講疏



張機講疏

司馬彪注

梁曠論

成玄英疏

蘇子瞻廣成解

容齋隨筆

洪邁著

江適注

宋杭州上舍生注列子

丹鉛錄

楊慎著

焦氏筆乘

余竑舊所割記問及莊子者悉附入以就正四方有道之士以上十六家係集解中

所引並他書采入

郭象音三卷

李軌音一卷

徐邈音三卷

賈善翔直音一卷

司馬彪音一卷

周弘正文句義一卷

陸德明文句義二十卷

碧虛子章句七卷

莊子餘事一卷

莊子闕誤一卷

吳幼清訂正本一卷

以上十一家並章句音義

欽定四庫全書

采捕書目

讀莊子

七則見罕來

莊子一書以明道也。儒之語道不離仁義禮樂。莊子絕而棄之。疑于不類。夫瓦礫糠粃無非道妙。獨仁義禮樂為其所不載。明乎非蒙莊之意矣。何者。仁義禮樂道也。而世儒之所謂仁義禮樂者。迹也。執其迹不知其所以迹。道何由明。故不得已擯而棄焉。使人知道也者。立象先超繫表。而吾所挾者之無以為也。庶幾能進而求之也。乎有如求之而契也。然後知象無非真。繫無非理。而

仁義禮樂亦不必絕而棄之也已莊子之自言有之  
遠而不可不居者義也節而不可不積者禮也學者知  
其一說不知其又有一說幾何而不河漢其言也

老莊盛言虛無之理非其廢世教也虛無者世教所以  
立也彼知有物者不可以物物而覩無者斯足以經有  
是故建之以常無有不然聖人之業將以成變化行鬼  
神而欲責之膠膠擾擾之衷其將能乎老子曰執古之  
道以御今之有夫曰今之有則古之為無可知已而御

有者必取諸無然則謂虛無廢世教不可也是故舜之無為而治非不治也以無為治也禹之行其所無事非不行也以無事行也而昧者遂至清談廢事如晉宋人之為斯失之遠矣莊子曰水不雜則清莫動則平鬱閉而不流亦不能清夫以廢事為無為是鬱而閉之而幾水之清者也

史遷言莊子詆訾孔子世儒率隨聲和之獨蘇子瞻謂其實予而文不予尊孔子者無如莊子噫子瞻之論蓋

得其髓矣然世儒往往牽于文而莫造其實亦惡知子  
瞻之所謂乎何者世儒之所執者孔子之迹也其糟魄  
也而莊子之所論者其精也譬之扁鵲見垣五藏而製  
為方有學之者二人焉一不能見五藏病也而第執其  
方一如扁鵲之見垣五藏也而以意為方不必盡出于  
師也則為扁鵲者將善其守吾方者歟抑善夫以意自  
為方者歟釋氏之論訓恩者必訶佛詈祖之人夫以訶  
佛詈祖為訓恩則皈依讚歎者為倍德矣又孰知夫訶



與詈者為皈依讚嘆之至也不然秦佚之弔嘗非老聃  
矣栗林之遊又嘗自非矣而亦謂詆訾聃周也可乎

史記言莊子與梁惠王齊宣王同時今其書所載魏瑩  
即梁惠王也又言莊子與魯哀公論儒則莊子又與孔  
子同時矣孫叔敖相楚莊王孔子未生而宜僚亦未嘗  
仕楚乃言仲尼之楚楚人觴之孫叔敖執爵而立市南  
宜僚受酒而祭其前後舛錯往往有之學者嘗置疑於  
此然周固自言之矣寓言十九重言十七所謂寓言者

借彼之人信此之意云耳夫惟信已之意而已則豈必  
其事之真哉史遷謂畏累虛亢桑子之屬皆空語無事  
實大抵子虛烏有之流也而規規以時月數之不幾于  
癡人說夢者乎雖然周微獨信已之意而已藉令學者  
因知名之非名而是非之非是非亦蒙莊之所以教也  
子瞻辯莊子能尊孔子獨疑盜跖漁父則若真詆孔子  
者至于讓王說劍皆淺陋不入于道反覆觀之得其寓  
言之終曰陽子居西遊于秦遇老子其往也舍者迎將

其家公執席妻執巾櫛舍者避席煬者避竈其反也與  
之爭席矣去其讓王說劒漁父盜跖四篇以合于列御  
寇之篇曰列御寇之齊中道而反曰吾驚焉吾食于十  
漿而五漿先餽然後悟而笑曰是固一章也莊子之言  
未終而昧者勦之以入其言耳故其祭徐君猷文云爭  
席滿前無復十漿而五餽用為一事今以寓言列御寇  
二篇合而讀之真可渙然水釋也今案列子第二篇首  
載御寇饋漿事而即綴以楊朱爭席正與子瞻之言合

豈子瞻作記亦因此而有寤邪大抵莊書之奇自非後  
世所能亂其文詞格制之不同故可望而知之也郭子  
玄云一曲之才妄竄奇說如關奕意修之首危言游鳧  
子胥之篇凡諸巧雜十分有三漢書執文志莊子五十  
三篇即司馬彪孟氏所注是也言多詭誕或似山海經  
或類占夢書故注者以意去取獨內篇衆家並同參以  
此說子瞻所謂昧者其然乎關奕游鳧諸篇皆不存  
莊子崔譔本語多不同逍遙遊瞽者無以與乎文章之

觀聾者無以與乎鐘鼓之聲下有眇者無以與乎眉目  
之好夫剛者不自為假文屨夫齊物無物不然無物不  
可下有可于可而不可于不可于不可而可于可  
大宗師乘東維騎箕尾而比于列星下有其生無父母  
死登遐三年而形逝此言神之無能名者也成然寐遽  
然覺下有發然汗出造適不及笑獻笑不及排安排而  
去化乃入于寥天一作造敵不及笑獻笑不及整安排  
而造化不及眇眇不及雄漂淪雄漂淪不及簞筮簞筮

乃入于寥天一在宥焉知曾史之不為桀跖嚙矢也下有有無之相生也則甚曾史與桀跖皆有無也又惡得無相較也其不同者往往有之相傳外雜篇多郭象所刪修豈其類耶抑他好事者妄為點竄如此耶

嚴君平作老子指歸其稱引莊子者多矣曰任車未虧  
僮子行之及其傾覆也顛高墮谷千人不能安卵之未  
剖也一指摩之及其為飛鴻也奮翼凌雲罽繳不能達  
也胎之能乳也一繩制之及其為牡也羅網不能禁也

虎也執羣獸食牛馬劒戟不能難也故漣滴之流久久而成江海小蛇不死化為神龍積微之善以至吉祥小惡不止乃至滅亡又曰我之所以為我者豈我也哉我猶為身者非身身之所以為身者以我存也而我之所以為我者以有神也神之所以留我者道使然也又曰道之所生天之所興始始于不始生生于不生存存于不存亡亡于不亡又曰夫起福生利成功遂事備物致用使人大富天下奢僭財貨不足民人愈醜福滿山澤

金玉成積國愈不安民益少利飾智相愚以詐相要防  
隄邪淫姦究之路密分別同異是非之變衆則國家昏  
而政事衰作方遂伎彫琢文彩奇變怪異以褒有德以  
別尊卑巧故滋起俊出愈奇令速賞深罰峻刑嚴斲肌  
膚斷四支䟽達不隱親近不和罪至夷滅賞至封侯天  
地振慄盜賊愈多又曰夫饑而倍食渴而大飲熱而投  
水寒而入火所苦雖除其身必死胸中有瘕不可鑿喉  
中有疾不可剝也蚤蚤著面不可射也蟣蟲著身不可



斫也又曰夫日月之出入也同明人之死生也同形春秋之分也同利玄聖之與野人也同容通者之與閉塞也同事道士之與赤子也同功凡此數者其中異而外同非有聖人莫之能明又曰夫陰而不陽萬物不生陽而不陰萬物不成天地之道始必有終終必有始又曰夫嬰兒未知而忠信于仇讐及其壯大有識欺給兄嫂三軍得意則下亡虜窮谿之獸不避兕虎其事非易事理然也以上諸語皆今書所不載按漢藝文志莊子五

十三篇郭象去其巧雜定為三十三篇則今之所存特十之四耳嚴書出象前其所引皆其逸篇可知也子瞻謂讓王說劍盜跖漁父四篇為偽撰羅勉道者又疑刻意繕性亦復淺膚定為二十六篇大抵語意精麤居然別矣若君平所引其為象所刪無足疑者噫象誠偽識者哉

欽定四庫全書

莊子翼卷一

明焦竑撰

內篇

逍遙遊第一

郭注夫小大雖殊而放于自得之場則物任其性事稱其能各當其分適

達一也筆乘逍遙古作消搖黃幾復解云消者如陽動而水消雖耗也不竭其本搖者如舟行而水搖雖動也不傷其內遊于世若是惟體道者能之

北冥有魚其名為鯢鯢之大不知其幾千里也化而為

鳥其名爲鵬鵬之背不知其幾千里也怒而飛其翼若垂天之雲是鳥也海運則將徙于南冥南冥者天池也齊諧者志怪者也諧之言曰鵬之徙于南冥也水擊三千里搏扶搖而上者九萬里去以六月息者也野馬也塵埃也生物之以息相吹也天之蒼蒼其正色邪其遠而無所至極邪其視下也亦若是則已矣

冥海也稽康云取其冥冥

無涯也東方朔十洲記云水黑色謂之冥垂天之雲垂猶遠也其大如天一面雲也齊諧司馬及崔並云人姓名簡文云書名上行風謂之扶搖爾雅云扶搖謂之飈野馬天地間氣如野馬馳也塵埃氣鬱似塵埃揚也

郭注

鯢鵬之實吾所未詳也夫莊子之大意在乎逍遙遊放無爲而自得故極小大之致以明性分之適

達觀之士宜要其會歸而遺其所寄也鯢之化鵬非冥海不足以運其身非九萬里不足以負其翼此豈好奇哉直以大物必生于大處大處必生此大物理固然者翼大則難舉故搏扶搖而後能上九萬里一去半歲至天池而息也野馬者遊氣也野馬塵埃皆鵬之所憑以飛者夫天之蒼蒼竟未知便是天之正色邪天之爲遠而無極邪鵬之自上以視地亦猶人之自地觀天則止而圖南矣言鵬不知道里之遠近趣足以自勝而逝也

呂注

野馬塵埃皆生物之以息相吹息者氣之所爲充塞天地而無間人于其間自下視天見其蒼蒼果

正色邪遠而無所至極邪不可知也唯不可知故未嘗以所居爲下則鵬之自上視下亦豈知所以爲高哉

口義

鯢鵬變化之論只是形容胸中廣大之樂蓋謂世人見小故有紛紛之爭若知天地有如許世界則

自視其身不啻太倉一粒耳鯤鵬亦寓言鳥之飛也必  
以氣下一起字使自奇特海運者海動也今海瀕俚歌  
猶有六月海動之語海動必有大風其水湧沸自海底  
而起聲聞數里言必有此大風而後可以南徙也齊諧  
所志述皆怪異非常之事如今山海經之類三千九萬  
只形容其高遠去以六月息者一舉必半年乃歇也野  
馬三句本要形容下句却先安頓于此謂人之仰視乎  
天見其蒼蒼然豈其正色特吾目力既窮其上無所極  
止故但見濛濛然爾鵬之飛也既至于天上則其下視  
人間不知相去幾千萬里其野馬塵埃相吹之息亦必  
如此濛濛然猶人之在下視天上也  
此數句只是形容鵬飛之高如此

**管見**

當化者不得不化當飛者不得不飛皆天機所運

為氣所使勇動疾舉有若怒然非憤激不平之謂也凡  
物之潛久者必奮屈久者必伸豈厭常樂變而為此哉

蓋圓形大化中則隨二氣而運盈虛消長理不可逃齊  
物論萬數怒呼外物爲草木怒生亦此意道德經所謂  
萬物並作是也于此以觀其復則六月息之義可知世  
人見其怒而不見其息知其作而不知其復故背夫道  
遠之鄉日趨有為之域以至事物膠葛患累糾纏蕭然  
疲役不知所歸可不哀邪關尹子云天地雖大能役有  
形而不能役無形夫欲免于二氣

所役者請于冥魚未形以前求之

**副墨**

去以六月息生物以息相吹二息字同義謂氣息  
也人以呼吸爲息造物以四時爲息去以六月息

者六月大風方發鵬因之徙而南也生物即造物但操  
得字新生物以息相吹即老子天地之間其猶橐籥乎  
意諸注以六月爲半年以息爲  
止息只爲不曾理會下文耳

且夫水之積也不厚則負大舟也無力覆杯水於坳

子

切堂之上則芥爲之舟置杯焉則膠水淺而舟大也風

之積也不厚則其負大翼也無力故九萬里則風斯在

下矣而後乃今培風背負青天而莫之夭闕過者而後

乃今將圖南蜩

條

與鷲鳩笑之曰我決起而飛捨榆枋

時則不至而控于地而已矣奚以之九萬里而南爲適

莽蒼者三食而反腹猶果然適百里者宿舂糧適千里

者三月聚糧之二蟲又何知小知不及大知小年不及

大年奚以知其然也朝菌

名

不知晦朔蟪蛄不知春秋



此小年也楚之南有冥靈者以五百歲為春五百歲為秋上古有大椿者以八千歲為春八千歲為秋而彭祖

乃今以久特聞衆人匹之不亦悲乎

崔云堂道謂之均支遁云謂有均埏

形也膠著地也蜩司馬云蟬鶯鵲小鵲也決疾貌搶突也榆枋皆木名控投也莽蒼近郊之色也果臝貌朝菌大芝天陰生菌上見日則死楊用修云朝菌古本作雞因今滇中名菌曰雞陂是也蟋蟀寒蟬也春生夏死夏生秋死彭祖姓錢名鏗堯封于彭城至商年七百歲

郭注

鵬之所以高飛者翼大故耳夫質小者所資不待大則質大者所用不得小矣故理有至分物有定

極各足稱事其濟一也若乃失乎忘生之主而營生于至當之外事不任力動不稱情則雖垂天之翼不能無

窮決起之飛不能無困矣夫所以乃今將圖南者非其  
好高而慕遠也風不積則天閣不通故耳三食三句所  
適彌遠則聚糧彌多故其翼彌大則積氣彌厚也二蟲  
謂鵬蜩也對大于小所以均異趣也夫趣之所以異豈  
知異而異哉皆不知所以然而自然耳此逍遙之大意  
夫年知不相及若此之懸也此之衆人之所悲亦可悲  
矣而衆人未嘗悲此者以其性各有極也苟知其極則  
毫分不可相跂天下又何所悲乎哉夫物未嘗以大欲  
小而必以小羨大故舉小大之殊各有定分非羨欲所  
及則羨欲之累可以絕矣夫悲生于累累絕則悲去悲  
去而性命不安者未之有也自此已下至于列子歷舉  
年知之大小各信其一方未有足以相傾者然後統以  
無待之人遺彼忘我冥此羣異異方同得而我無功名  
是故統小大者無小無大者也苟有乎小大則雖大鵬  
之與斥鷃宰官之與御風同為累物耳齊死生者無死  
無生者也苟有乎死生則雖大椿之與蟪蛄彭祖之與

朝菌均于短折耳故遊于無小無大者無窮者也冥乎不死不生者無極者也若夫逍遙而繫于有方則雖放

之使遊而有所窮矣未能無行也

**新傳**

天下小知不及大知小年不及大年故朝菌不知

無大不死不生之理而觀之則均為有形之累焉有不及不如于其間乎

**循本**

蜩蟬類形黑而五月鳴者為蜩蟬音詔料或蜩蟬或水蟲

或蟬蟪所化鶯山鵲也以鵲形類之故名鶯鵲郭璞註

月令云鳴鵲似山鵲而小短尾青黑色多聲今江東呼

為鵲鵲音骨舟月令仲春鵲化為鵲王制仲秋鵲化為

鷹左傳與鵲氏杜註鷹也以二物相化故鵲可名鷹二

蟲能化而小故以與鷦鷯相形菌地草也大曰中龜小

曰菌菌生以朝計故曰朝菌蟪姑亦蟬類通志畧云寒

蜚正名螭蛄九月十月其鳴悽急小山云螭蛄鳴兮啾啾歲暮兮不自聊是也莊子所謂螭蛄不知春秋者則是四五月小紫青色者耳冥即南冥靈龜也麟鳳龜龍謂之四靈冥靈者冥海之靈龜也朝菌與大椿螭蛄與冥靈是舉一植一動對說則冥靈非植物明矣五百歲為春五百歲為秋者史記龜千歲尺二寸二箇五百總千歲之數也八千歲為春八千歲為秋者折椿字為二箇八百乘之以十則二箇八十之數也滑稽杜撰偶然出此殆亦亥字二首六身之類但讀者未之悟耳

湯之問棘也是已窮髮之北有冥海者天池也有魚焉其廣數千里未有知其脩者其名為鯢有鳥焉其名為鵬背若泰山翼若垂天之雲搏扶搖羊角而上者九萬

里絕雲氣負青天然後圖南且適南冥也斥鴳笑之

晏

笑之

曰彼且奚適也我騰躍而上不過數仞而下翱翔蓬蒿

之間此亦飛之至也而彼且奚適也此小大之辨也故

夫知去效一官行比一鄉德合一君而徵一國者其自

視也亦若此矣而宋榮子猶然笑之且舉世而譽之而

不加勸舉世而非之而不加沮定乎內外之分辨乎榮

辱之境斯已矣彼其于世未數數朔然也雖然猶有未

樹也夫列子御風而行泠然善也旬有五日而後反彼

于致福者未數數然也此雖免乎行猶有所待者也若

夫乘天地之正而御六氣之辨以游無窮者彼且惡烏

乎待哉故曰至人無已神人無功聖人無名

棟湯時賢人按列子

作殷湯問夏革革棘聲相近窮髮無毛地也羊角風曲上行若羊角然斥小澤也猶然笑貌一云猶以為笑也

數數猶汲汲也列

子鄭人名禦冠

**郭注**

湯之問棘亦云物各有極任之則條暢故莊子以所問為是也向言二蟲殊異故所至不同或翺翔

天池或畢志榆枋直各稱體而足不知所以然也今言小大之辨各有自然之素既非跋扈之所及亦各安其天性不悲所以異故再出之其自視亦若此者亦猶鳥之自得于一方也宋榮子猶然笑之者未能齊故有笑

也舉世毀譽之而不加勸沮者審自得也定乎內外之分者內我而外物辨乎榮辱之境者榮已而辱人斯已矣者亦不能復過此也于世未數數者足于身故問于世也猶未樹者言唯能自是耳未能無所不可也冷然輕妙之貌旬有五曰而反言有待者雖御風而行不能以一時而周也然其行亦自然耳非數數然求之也非風則不得行斯必有待也唯無所不乘者無待耳天地者萬物之總名也天地以萬物為體而萬物必以自然為正故大鵬之能高斥鴳之能下大椿之能長朝菌之能短凡此皆自然之所能非為之所能也不為而自能所以為正也故乘天地之正者即是順萬物之性也御六氣之辨者即是遊變化之途也如斯以往則何往而有窮哉所遇斯乘又將惡乎待哉此乃至德之人玄同彼我者之逍遙也苟有待焉則雖列子之輕妙猶不能以無風而行故必得其所待然後逍遙耳況大鵬乎夫唯與物冥而循大變者為能無待而常適豈自適而已

金史已見卷一  
我及順有待者使不失其所待所待不失則同于大通  
矣故有待無待吾所不能齊也至于各安其性天機自  
張受而不知則吾所不能殊也夫無待猶不足以殊有  
待況有待者之巨細乎無已故順物順物而至矣理至  
則迹滅矣今順而不助與至理為一故無功聖  
人者物得性之名耳未足以名其所以得也

### 支道林

指鵬鷖鷖以營生之路曠故失適于體外鷖以

在近而笑遠有矜伐于心內至人乘天正而高興遊無  
窮于放浪物物而不物于物則適然不我得玄感不為  
不疾而速則適然靡不適此所以為逍遙也若夫有欲  
當其所足足于所足快然有似天真猶鷖者一飽渴者  
一盈豈忘燕當于換糧絕鷖爵于  
醪醴哉苟非至足豈所以逍遙乎

### 須溪

寓言之意託之齊諧而不足又託之湯謂如不信  
試更質之某人者也宋榮子則是矣然未得為逍



遙也雖列子御風至矣猶未得為逍遙也直至都無所待而後謂之遊是前之語培風者亦未得為逍遙也鵬者遊之始也萬里出門初見天色及其至此鵬又不足言矣未樹者猶有所倚也猶未離乎是非者也冷然者在人世是非之外矣以形御氣則猶未離乎氣也乘天地之正者立乎萬物之初一氣之上無陰無陽無風雨無晦明雖天地與我並生而萬物唯我獨立矣而非以有形託于彼也至人無己且無矣何功與名之有

### 新傳

鵬鵬之圖南斥鷃之騰躍小大不同故曰此小大之辨也夫鵬鵬斥鷃各有其體所以不逍遙耳然逍遙者豈復離乎本體哉但各冥其極均為逍遙累乎其體均為困苦故逍遙之與困苦特在其了與不了之

### 耳間

### 筆乘

至人知道內冥諸心而汎絕無寄故曰無己神人盡道成遂萬物而妙用深藏故曰無功聖人忘道

神化蕩蕩而了不  
可測故曰無名

堯讓天下于許由曰日月出矣而燭燭火不息其于光

也不亦難乎時雨降矣而猶浸灌其于澤也不亦勞乎

夫子立而天下治而我猶尸之吾自視缺然請致天下

許由曰子治天下天下既已治也而我猶代子吾將為

名乎名者實之賓也吾將為賓乎鷦焦鷯遼巢于深林

不過一枝偃鼠飲河不過滿腹歸休乎君子無所用天

下為庖人雖不治庖尸祝不越樽俎而代之矣

許由潁  
川陽城

人字武仲隱於箕山燭炬火也鵲鶴小鳥也偃鼠鼯鼠也說文鼯鼠一曰偃鼠

郭注

夫能令天下治不治天下者也故堯以不治治之非治之而治者也今許由方明既治則無所代之

而治實由堯故有子治之言夫治之由于不治為之出乎無為也取于堯而足豈借之許由哉若謂拱默山林之中而後得稱無為者此老莊之談所以見棄于當塗當塗者自必于有為之域而不反也夫自任者對物而順物者與物無對故堯無對于天下而許由與稷契為匹矣何以言其然耶夫與物冥者羣物之所不能離也是以無心玄應唯感之從泛乎若不繫之舟東西之非已也故無行而不與百姓共者亦無往而不為天下君矣以此為君若天之高實君之德也若獨兀然立乎高山之頂守一家之偏尚此故俗中之一物而為堯之外臣耳若以外臣代乎內主斯有為君之名而無任君之實也鵲鶴一枝偃鼠滿腹言性各有極苟足其極則餘

天下之財也歸休二句均之無用而堯獨有之明夫懷  
豁者無方故天下樂推而不厭也庖人尸祝各安其所  
司鳥獸萬物各足于所受帝堯許由各靜其所過此乃  
天下之至實也各得其實又何所為乎哉自得而已矣  
故堯許天地雖異  
其于逍遙一也

呂注

自堯言之由雖無為而未嘗不可以有為故請致

無為故以天下既治而不肯受夫以無事取天下而天  
下治此無為之實也天下既治而吾猶代之則是取天  
下而為之將見其不得也是取其無為之名而已名者  
實之實吾肯為之乎是故方其有為也四海九州樂推  
而不為有餘及其無為也一枝滿腹歸休而不為  
不足此所以無用天下為而堯許之所以逍遙也

王旦論

有為者以無為為宗方其有為也堯為天子富

有天下不為有餘及其無為也由為匹夫隱于箕山不  
為不足以由喻天之所為日月時雨是也以堯喻人之  
所為熾火浸灌是也夫堯以由能治天下而不敢尸由  
以堯能治天下而不肯代然則天下將誰治之曰治于  
堯則有為而無為者也治于由則無為而有為者  
也蓋道之在聖人出則堯也隱則由也庸何擇乎

**管見**

堯以熾灌比功其謙虛至矣豈僥倖富貴者哉有神

堯在位斯有許由在野氣類感召理有由然蓋聖人不  
以出處分重輕而以義理為去就此有係乎通之卷舒  
時之當否耳夫使由幡然受禪不失乎端拱巖廊之尊  
使堯儼然得謝則可以韜光太古之上乃曰名者實之  
賓也即此語而推非惟醒邯鄲之夢息觸蠻之爭抑使  
後人想像箕山潁水之趣而風樹一瓢猶以為累也終  
以尸祝不越俎而代庖言各安所安各  
足其足而天下無事矣見其逍遙一也

肩吾問於連叔曰吾聞言於接輿大而無當往而不返

吾驚怖其言猶河漢而無極也大有徑庭不近人情焉

連叔曰其言謂何哉曰藐眇姑射夜之山有神人居焉

肌膚若冰雪淖綽約若處子不食五穀吸風飲露乘雲

氣御飛龍而遊乎四海之外其神凝使物不疵癘而年

穀熟吾以是狂誑而不信也連叔曰然瞽者無以與

下預

同乎文章之觀聾者無以與乎鍾鼓之聲豈惟形骸有

聾盲哉夫知亦有之是其言也猶時女汝也之人也之

德也將磅礴

薄

萬物以為一世斲

祈

乎亂孰弊弊焉以

天下為事之人也物莫之傷大浸稽

啓

天而不溺大旱

金石流土山焦而不熱是其塵垢執糠將猶陶鑄堯舜

者也孰肯以物為事宋人資章甫而適諸越越人斲

短

髮文身無所用之堯治天下之民平海內之政往見四

子藐姑射之山汾

焚

水之陽宵

香

然喪其天下焉

接

與人

姓陸名通渾約柔弱貌時女筆乘云時是也女即汝字

謂智有聾盲即汝之狂而不信者是也郭注謂如處女

之為人所求甚謬弊弊經營貌稽至也資貨也章

甫殷冠四子司馬李莊云王倪齋缺故衣詐由

郭注

此皆寄言耳神人即聖人也夫聖人雖在廟堂之上然其心無異于山林之中世豈識之哉徒見其

戴黃屋佩玉璽便謂足以縷絳其心矣見其歷山川同民事便謂足以懽懽其神矣豈知至至者之不朽哉今言王德之人而寄之此山將明世無由識故乃託之于絕垠之外而推之于視聽之表耳處子者不以外傷內也不食五穀吸風飲露者明神人非五穀所為而特稟自然之妙氣也夫體神居靈而窮理極妙者雖靜默間堂之裏而玄同四海之表故乘兩儀而御六氣同人羣而驅萬物苟無物而不順則浮雲斯乘矣無形而不載則飛龍斯御矣遺身而自得故行若曳枯木止若聚死灰是以云其神凝也其神凝則不凝者自得矣世皆齊其所見而斷之豈當信此哉不知至言之極妙而以爲狂而不信此智之聾盲也是其言猶時女者謂此接與之所言者自然爲物所求但智之聾盲者謂無此理也夫聖人之心極兩儀之至會窮萬物之妙數故能體化



合變無往不可磅礪萬物無物不能世哉其所以亂故求我我  
無心也我苟無心亦何為不應世哉其所以會通萬物  
之性而陶鑄天下以成堯舜之治者常以不為為之耳  
孰弊弊焉勞神苦思以事為事然後能平物莫之傷者  
言安于所傷則傷不能傷傷不能傷而物亦不傷之也  
無往而不安則所在皆適死生無變于已况溺熱之間  
哉故至人之不嬰乎禍難非避之也推理直前而自然  
與吉會也堯舜者世事之名耳為名者非名也故夫堯  
舜者豈直堯舜而已哉必有神人之實焉今所稱堯舜  
者徒名其塵垢秕糠耳夫堯之無用天下為亦猶越人  
之無所用章甫也然遺天下者固天下之所宗天下雖  
宗堯而堯未嘗有天下也故宵旰喪之而常遊心于絕  
冥之境雖寄坐萬物之上而未始不逍遙也四子者蓋  
寄言以明堯之不一于堯耳夫堯實冥矣其迹則堯也  
世徒見堯之為堯豈識其冥哉故將求四子于海外而  
據堯于所見因謂與物同波者失其所以逍遙也然未

知至達之所順者更近而至高之所會者反下也若乃  
屬然以獨高為至而不處乎俗者斯山谷之士非無待  
者也奚足以語至  
極而遊無窮哉

范無隱

山以喻身範射言其幽眇神人即身中之至靈

五穀吸風飲露乘雲御龍遊于四海  
非過論也或者求之于外不亦遠乎

管見

肌膚若冰雪體抱純素塵莫能汙也綽約若處子  
守柔自全害莫能及也不食五穀吸風飲露則絕

除世味納天地之清冷乘雲御龍遊乎四海則凌厲太  
空同元氣之冥漠所謂不行而至與造物遊者也其神  
凝使物不疵癘而年穀熟則養神之極者非唯自全而  
已又足以贊天地之化育輔萬物之自然此言推已以  
及物之効所以合神不測契道無方也或者為名相所  
移求是山于絕限之外則所謂神人者蓋遠矣又塵垢

執糠陶鑄堯舜之語若輕堯舜然及考經旨所歸實尊之至也謂世人所稱堯舜推尊之為聖人皆徒名其塵垢執糠耳堯舜之實

惡可得而名言邪

循本

大有徑庭徑門前路也庭堂外地也徑與庭相距本不遠今接輿之言比之尋常言語大異如徑庭

之大遠不比尋常徑庭也

惠子謂莊子曰魏王貽

異

我大瓠之種我樹之成而實

五石以盛

成

水漿其堅不能自舉也剖之以為瓢則瓠

落無所容非不呬

訖

然大也吾為其無用而掊之莊

子曰夫子固拙于用大矣宋人有善為不龜

均

手之藥

者世世以泝

屏

泝

僻

統

曠

為事客聞之請買其方百金

聚族而謀曰我世世為泝泝統不過數金今一朝而鬻

技百金請與之客得之以說我吳王越有難吳王使之

將冬與越人水戰大敗越人裂地而封之能不龜手一

也或以封或不免于泝泝統則所用之異也今子有五

石之瓠何不慮以為大樽而浮乎江湖而憂其瓠落無

所容則夫子猶有蓬之心也夫惠子謂莊子曰吾有大

樹人謂之樗其大本擁腫而不中繩墨其小枝卷

拳

曲

而不中規矩立之塗匠者不顧今子之言大而無用衆

所同去也莊子曰子獨不見狸狌

生星二音

乎卑身而伏以

候教選者東西跳梁不避高下中於機辟聞死于網罟

今夫犛

離

牛其大若垂天之雲此能為大矣而不能執

鼠今子有大樹患其無用何不樹之于無何有之鄉廣

莫之野彷徨乎無為其側逍遙乎寢卧其下不夭斤斧

物無害者無所可用安所困苦哉

惠子姓惠名施為梁相實五石司馬云實

中容五石瓠落猶廓落也吁然虛大貌絮細者謂之統樽如酒器縛之身浮于江湖可以自渡慮思也候教謂

同遊翔之物而食之無何  
廣莫謂寂絕無用之地也

**郭注**

其藥能令手不拘圻故常漂絮于水中蓬非直達  
者也蓋言小大之物若失其極則利害之理均用

得其所則物  
皆逍遙也

**呂注**

道之為言一也不善用之不足以周四體則世  
泝泝純不過數金之謂也善用之非特周吾身而

已雖天下淪溺猶將拯之則用之水戰裂地而封之謂  
也夫注焉不滿酌焉不竭此亦人之江湖也今子有大  
器不能浮之于大處而患其無所容則謂之有蓬之心  
也宜矣物以有用為用之小以無用為用之大但  
往跳梁死于網罟不能無為而以知巧殺身之譬也  
牛至大不能執鼠逍遙無為全其形生之譬也聖人之  
于道體之以深根固蒂則其為樹也大矣欲樹之者莫  
若反求吾心心之為物莫知其柳得其莫知之處而安

之是樹之於無何有之鄉也充之而彌廣六虛靜之而萬物莫撓適遙其側寢卧其下未始須臾離也則所謂大而無用者安所困苦而子患之乎

陳祥道

物有所宜事有所適患在不善用耳不適手之藥一也宋人用之其利小吳人用之其利大弱

七國之術一也晁錯用之則禍興主父偃用之則亂息大猷之用豈異此哉執中虛而善容外圓而善浮冥之于地則失浮之性而其堅不能自舉剖以為瓢則毀圓之體而執落無所容若慮以為樽浮之江湖則不勞而自舉無往而不宜矣凡物小者為用易大者為用難而人情用小者常工用大者或拙于其難而處之以工非因性任理去蓬心之累者孰與于此狴狴小而有用不免于禍犛牛大而無用物莫之害是有用之用不如無用之用也大犛無用矣又樹之無用之地則樹之者得以傍徨適遙而為樹者得免斧斤之患與轉徙于利害

之塗而捨擊于世俗  
者豈可同日語哉

循本

此篇以逍遙遊名而終篇貫串只一化字第一段言鷦鷯鴟鵂鵂斤鵂之化大小不同故其飛有高下

第二段言天之化亦有大小不同故其為逍遙遊有優劣第三段言人能因無用而化為有用則亦可以逍遙遊夫天之所賦各有定分豈可強同鴟鵂斤鵂于鷦鷯哉而人則無智愚賢不肖皆可以階大逍遙然亦有自視若鴟鵂斤鵂者焉故子篇終曉之曰人雖如喙然難舉之孰擁腫卷曲之樛訶能因其質用之隨事而化豈失其為逍遙哉

筆乘

曰夫子固拙于用大矣曰則所用之異也蓋人性本一用之不同用之巧則逍遙矣用之拙則拘繫

矣孔子所言性相近習相遠即此意也無何有之鄉廣莫之野是用而無用正其歸者處就用為結



管見摠論

循至理者以道通乎萬事全正性者與物同  
乎一天理性得而不道遙者未之有也夫赤

子之心本無知識隨形長物按乎前得失存懷冰炭  
交作舍彼役此無休歇期儻非燭理洞明道義戰勝雖  
居至貴至富亦有所不免焉故學道之要先須求聖賢  
樂處切身體究方為得力易云樂天知命顏氏簞瓢自  
樂孟子養浩而充塞天地原憲行歌而聲出金石此皆  
超外物之累全自己之天出處動靜無適非樂斯可以  
論道遙遊矣北溟之鯤化而為鵬搏風擊水徙于南冥  
蓋謂學者見聞狹陋趨向細微固知性海之淵澄併與  
命珠而淪失遂舉此大物生于大處以明己之所自來  
涵養既久體神合變出陰入陽其用莫測俾夫知效一  
官行比一鄉德合一君而徵一國者悟外物之可輕已  
天之當重將見培風絕雲與化無極何世累之能及哉  
故必至于乘天地御六氣以遊無窮然後為逍遙極至  
所謂至神聖者亦混融俱化而已功名皆外物矣堯讓

許由重所以證成前義啟肅遜之風警醒後人絕務外之慕裨益治道為多及肩吾聞言于接輿發揮神人之秘以喻身中至靈務操存涵養以致之初不在乎遠求也塵垢秕糠陶鑄堯舜言神人之德與大同運推其緒餘猶足以成唐虞之治而其真則非世人所知也堯往見四子藐姑射之山中存妙理難以臆度必須親造姑射四子當不言而喻學者勉之是篇首論鯢鵬蜩鳩靈椿朝菌知年小大皆窮理之談末舉大瓠以虛中自全大樽以深根自固喻盡性以至于命學道之大成而入乎神者也

齊物論第二

郭註夫自是而非非彼美已而惡人物莫不皆然然非非雖異而彼我均也

荆川通篇論本無是非是皆人所作

南郭子綦

其

隱

去聲下同

凡而坐仰天而噓嗒

榻

焉似喪其

耦顏成子游立侍乎前曰何居姬乎形固可使如槁木

而心固可使如死灰乎今之隱几者非昔之隱几者也

子綦曰偃不亦善乎而問之也今者吾喪我汝知之乎

汝聞人籟而未聞地籟汝聞地籟而未聞天籟夫子游

曰敢問其方子綦曰夫大塊噫臨氣其名爲風是唯無

作作則萬竅怒呿號而獨不聞之參參流乎山林之畏

倬佳崔去聲大木百圍之竅穴似鼻似口似耳似枅楫似

圈似臼似洼者似汚者激者謫孝者叱者吸者叫者譟

豪者突

天音

者咬

切

者前者唱于而隨者唱喁愚冷冷

風則小和飄風則大和厲風濟則衆竅為虛而獨不見

之調調之刁刁乎子游曰地籟則衆竅是已人籟則比

竹是已敢問天籟子綦曰夫吹萬不同而使其自已也

咸其自取怒者其誰邪

隱惡也噓息也嗒為解體貌偶匹也一云身也身與神為偶大

塊天也畏佳山阜貌杵櫛  
櫛也突深也咬哀切聲

郭注

同天人均彼我故外無為歡而嗒然解體若失其配匹也槁木死灰言其寂寞無情耳夫任自然

而忘是非者其中獨任天真而已又何所有哉故止若枯木行若遊塵動止之容吾所不能一也其于無心自

得吾所不能二也吾喪我我自忘矣我自忘矣天下何  
物足識哉故都忘外內然後超然俱得也籟簫也簫管  
參差宮商異律故有短長高下萬殊之聲而所稟之度  
一也然則優劣無所錯其間矣况之風物異音同是而  
咸自取焉天地之籟見矣塊者無物也噫氣者豈有物  
哉氣塊然而自噫耳物之生也莫不塊然而自生則塊  
然之體大矣故遂以大塊為名琴瑟長風之聲畏佳大  
風之所扇動也鼻口以下畧舉衆竅之所似激竒以下  
畧舉衆竅之殊聲于喁云者言聲之宮商雖千變萬化  
唱和大小莫不稱其所受而各當其分也濟止也烈風  
作則衆竅實及其止則衆竅虛虛實雖異其于各得則  
同也調調刁刁動搖貌言物聲既異形之動搖亦又不  
同動雖不同其得齊一耳豈調調獨是而刁刁獨非乎  
吹萬不同而使其自己此天籟也天籟者豈復別有一  
物哉即衆竅比竹之屬接乎有生之類會而共成一天  
耳無既無矣則不能生有有之未生又不能為生然則

生者誰哉塊然而自生耳非我生也我既不能生物亦不能生我則我自然耳自己而然則謂之天然豈蒼蒼之謂哉而或者謂天籟役物使從已也夫天且不能自有況能有物哉故天也者萬物之總名也莫適為天誰主役物乎故物各自生而無所出焉此天道也咸其自取怨者其誰言物各自得誰主怨之使然蓋重明天籟也

呂注

人之所以有其形心者以其有我而已苟為無我則如死灰槁木不足異也子游不知我之所自起

為形心所役而不得息不知何居而可使至此也然于嗒然之間知今昔隱几之不同則其觀之亦察矣蓋昔之隱几應物時也今之隱几遺物時也苟知我之所自起則存與喪未始不在我也比竹之為物人皆聞之知其空虛無有也我之所以為我者亦然萬竅怒號何異有我而役其心形之時邪眾竅為虛何異喪我而若槁

未死反之時邪曰而獨不聞獨不見者言地籟之作止  
必之所嘗聞見而心之起滅汝之所未嘗聞見也以其  
所嘗聞見而究其所未  
嘗聞見則天籟可知矣

**疑獨**

風山空虛尋求無迹起于靜而復于靜生于無而  
歸于無惟寂之所受不同在人之所以聞亦異比于

萬物稟受亦然衆寂為風所鳴萬形為化所役風不能  
鳴則萬寂虛化不能役則萬物息若夫無聲無寂者非  
風所能入列子  
所謂疑獨是也

**新傳**

耦匹也物莫不有匹惟遁神妙而無匹無匹則歸  
于一致而忘彼我物論自齊矣今之隱几者非昔

之隱几者梵志所謂吾猶昔吾人非昔人者是也天籟地  
籟人籟衆寂所以不同也衆寂不同而同受風以成聲  
萬物雖異而同委氣以成體寂為風之所鳴而物為化  
之所役所遇雖殊同歸一致此物我不得不聲也然風

不能鳴無寂而化不能役無物能脫形骸之累而冥妄  
想之情了然明達而吾非我有則入于神妙而造化不  
能拘之矣

循本

齊物論風之形似從筆端寫出非化工之手不能  
鼻口耳三者似人之形析則相累積有空缺圈則

圓而中空曰則中密三者似器之形水聚牛跡曰洼水  
流穴下之所曰汙二者似地之形此言其形也以言  
其聲激如水激聲謠如箭去聲謠如號哭聲突室東南  
隅如深室中聲咬如鳥咬咬聲唱于于竿通籥非曰竿  
為五聲之長故曰唱于唱者衆竅如魚口之噉唱也冷  
風清冷之風飄風飄忽之風調調刀刀樹尾風調調然  
和而刀刀然微也今俗呼風小為調調地而  
采茶者以嫩條為刀擬言刀刀然可擬耳

須溪

喪耦我固在也併我而喪之物論從何處起便是  
相號無對頭了莊子欲形容物論之無情却從天



地間得其尤無根者曰風知風之所從起與其所從受則不齊者齊矣許大天地是塊許大風是噫此達者之言畏從山曰喂佳從山曰崔山林之喂僻角尖處風所不到也齊如亂涉之謂厲風又大子飄風所過則衆窾並作如嘘虛噓通若謂濟為止則厲風何所屬邪說了許多窾穴更著調調刁刁則林梢之披靡皆無遺矣世間無日無是非小是底風大是大底風然終必寂然而止所謂齊也識其所從生則不待止而齊矣怒者其誰邪莫之為而為者天也

副墨喪我者忘我也忘我則天矣遊以天者知而未始有知言而未始有言故舉三籟言之而歸極于天

籟籟籟管也其聲有高下正暗喻物論之不齊者比人之所為故曰人籟地籟則木之衆窾天籟則無聲而能聲天下之聲所謂若有真宰而特不得其朕者也木之窾穴有兩孔而似鼻者有一孔而似口者有孔斜入而

似耳者有孔方而似枅者有孔圓深而似圜者有淺而似臼者有曲而似注者有廣而似污者數句描畫竅穴如見又言竅穴之聲激者曼而聲止謫者去而聲疾叱者出而聲粗吸者入而聲細叫者高而聲揚臻者下而聲濁突者深而聲留咬者吠而聲續于輕唱也喁重和也前後風之前後陣也冷風小風也飄風疾風也厲風猛風也吹萬不同而使其自己已也咸其自取作一句讀書聲萬有不同而使其自己已出者皆取諸已而不由于天則衆竅中之怒而號者誰邪分明是有真宰主張之者而特不得其朕是以謂之天籟

大知閒閒小知間間大言炎炎小言詹詹其寐也魂交其覺也形開與接為搆日以心鬪縵者密者密者小恐惴惴大恐縵縵其發若機括其司是非之謂也其

留如詛盟其守勝之謂也其殺如秋冬以言其日消也  
其溺之所為之不可使復之也其厭壓也如緘以言其  
老洫也近死之心莫使復陽也喜怒哀樂慮歎變熱蟲  
姚佚啓態樂出虛蒸成菌日夜相代乎前而莫知其所  
萌已乎已乎旦暮得此其所由以生乎非彼無我非我  
無所取是亦近矣而莫知其所為使若有真宰而特不  
得其朕可行已信而不見其形有情而無形百骸九竅  
六藏眩設而存焉吾誰與為親汝皆說悅之乎其有私

焉如是皆有為臣妾乎其臣妾不足以相治乎其遞相  
為君臣乎其有真君存焉如求得其情與不得無益損  
乎其真一受其成形不忘以待盡與物相刃相靡其行  
盡如馳而莫之能止不亦悲乎終身役役而不見其成  
功汙然疲役而不知其所歸可不哀邪人謂之不死

奚益其形化其心與之然可不謂大哀乎

間 閒  
間 閒  
有 廣  
別 博  
也 貌

炎炎美盛貌  
詹詹小貌  
綊綊不動貌  
狀兆也  
眩備也  
惴惴

郭注

交形開寤寐之異也。緩害密交接之異也。惴惴緩

縵恐悻之異也司是非守勝動止之異也日消衰殺也  
不可使復溺而遂往也厭絨厭沒于欲老洩老而愈洩  
也近死利患輕禍也莫使復陽陰結遂志也喜怒以下  
性情之異也樂出虛蒸成茵事變之異也自此以上畧  
舉天籟之無方以下明無方之自然也物各自然不知  
所以然而然則形雖彌異自然彌同也日夜相代代故  
以新也天地萬物變化日新與時俱往何物萌之哉自  
然而然耳所由以生言其自生也波自然也自然生我  
我自熊生故自然者即我之自然豈達之哉不知所為  
使者凡物云云皆自爾耳非相為使也故任之而理自  
至矣萬物萬情趣舍不同若有真宰使之然也起索真  
宰之朕迹而亦終不得則明物皆自然無使物然也行  
者信已可行情當其物形不別見則百骸九竅付之自  
然而莫不賅存悅之則有所私有私則不能賅而存志  
過其分上下相冒而莫為臣妾矣夫君臣之分若天高  
地卑措于自當真若則任其自爾而非偽也凡得真性

用其自為者知與不知皆自若也然知者守知以待終  
愚者抱愚以至死逆順相交各信其偏見而恣其所行  
莫能自反此比衆人所悲者亦可悲矣而未嘗以此為  
悲性然故也物各性然又何物足悲哉然則終身役役  
然疲困雖生而實與死同此又哀之大而人未嘗以為  
哀則凡所哀者不足哀也

呂注

閒閒問問明量小大之不同也寢覺接構有緼密  
密之不同也好惡藏于中而物觸之則其發若機

括名節臨于外而物引之則其留如詛盟是其趣之向  
背不同也殺如秋冬至莫使復陽則欲之淺深不同也  
喜怒哀樂至姚佚啓態則其情狀發見之不同也凡此  
皆吹蕩不同而使其自己也如樂之出虛蒸之成菌日  
夜相代莫知所萌乃天籟無為之為也夫器之小大趣  
欲向背之不同不乃似畏佳竅穴之異形乎閒問緼惴  
喜怒哀樂情狀之不同不乃似怒號于喁之異聲乎樂  
之出虛蒸之成菌求其所萌而不可得不乃似風濟竅

虛調調刀刀而不知所歸乎由此觀之則我之為我者  
安在形安有不如槁木心安有不如死灰者乎夫天籟  
之難知真君之難見唯嗒然喪我以心契之斯可得旦  
暮得此所由以生是知其莫知所萌而以心契之者也  
不得其朕不見其形則不得其所為使而適索于形骸  
之內知其未嘗有在也于形骸之內求其所為使者不  
可得則有真君存焉可知矣人莫不有真君不為求得  
其情而加益不得其情而加損何則彼非無心之所得  
近非有心之所得遠故也

新傳

大知小知大言小言大恐小恐其寤其覺皆有形  
之累也夫有形則為化之所役役于化則有動止

之與此所以未免于累也孰若無形  
而使化不能役乎非神不能與于此

須溪

其溺之所為之不可使復之也三之字皆虛字言  
其向者溺意之所為之不可使復為之也湏乍滿

乍潤也但言潤則無先來易滿意尋常說喜怒哀樂他又從哀愁狀出慮嘆變愁愁熱中也從喜樂狀出姚佚欲態啓精神發越也喜樂如樂之應于空中無限暢達其鬱然者如陰氣之結為菌萐爾皆自然也

循本

喜愁哀樂慮嘆變愁姚佚欲態此以七情又翻十一般愁從執從心言其心拘執也姚治也佚放佚

也啓開故聰明也態度也荀子云莫不美麗姚治奇衣婦飾血氣態度句法與此同

管見

慮則預度未來嘆則咨嗟既往變則輕躁而有所為愁則畏懼而不敢動姚則悅美以自肥佚則縱

樂而忘返欲則情開而受物態則驕矜而長傲言人之狗物忘己者一體之中有此異狀計得慮失焦火凝冰

是以形化心俱日消而近死也

副墨

此下摹寫人心變態與上風木形聲同旨天知閒閒即孟子知者行其所無事也若問問者立町畦



分人我則但小人之知耳炎炎精光上燭也磨磨正齊  
前後也緩者緩緩無斷柔人也害者潛機不露險人也  
密者錙銖必較細人也惴惴心事不寧緩緩散緩自失  
餒人也司是非者主訟之輩意在中人尋其肯綮發若  
機括刁人也守勝者固執已見如留詛盟誓不敢動搖  
人也小知之人心闕如此天真日消消之又消以至心  
死而不覺故曰其殺如秋冬以言其日消也載胥及溺  
不可挽回故曰其溺之所為之不可使復之也其溺與  
其殺相對此等機心愈老愈深故曰老血厭如大學厭  
然之厭絨即閑藏也夫人心不死則尚有生意可以回  
春今此近死之心可使復陽乎言必不能也此已陷言  
小知之心事以下又以十二字模寫其接物之情狀然  
其人雖如此實不自由如樂之出虛乍作乍止如蒸之  
成菌倏生倏死日夜相代乎前而不知其所萌即所謂  
吹萬不同怒者其誰也已乎已乎旦暮得此其所由以  
生乎已乎此字即怒者其誰之誰下文非彼無我又把

此字換作彼字言我不是彼則我不能自成非我去取他則彼亦不能以自見如風離于竅終不成響如此論造化似亦近矣其如不得其朕何故曰不知其所為使若有真宰而特不得其朕作一句讀必欲求得其朕除是真宰有形今真宰使人人便行之說以與人人亦信之故曰可行已信只為不見其形故無朕可得也然真宰雖有情而無形須于有形上體認故舉百骸九竅六藏言之其有私焉其有真君存焉二焉字與三乎字皆問詞反覆徵問要人深思而自得之求得其情即有情無形之情無益損乎其真即真君真宰之真此真于人本無益損但迷之則凡悟之則聖耳

人之生也固若是芒乎其我獨芒而人亦有不芒者乎夫隨其成心而師之誰獨且無師乎奚必知代而心自

取者有之愚者與有焉未成乎心而有是非是今日適  
越而昔至也是以無有為有無有為有雖有神禹且不  
能知吾獨且奈何哉夫言非吹也言者有言其所言者  
特未定也果有言邪其未嘗有言邪其以為異于穀却  
音亦有辨乎其無辨乎道惡乎隱而有真偽言惡乎隱  
而有是非道惡乎往而不存言惡乎存而不可道隱于  
小成言隱于榮華故有儒墨之是非以是其所非而非  
其所欲是其所非而非其所是則莫若以明物無非

彼物無非是自彼則不見自知則知之故曰彼出于  
是亦因彼彼是方生之說也雖然方生方死方生  
方可方不可方不可方可因是因非因非因是以聖  
人不由而照之于天亦因是也是亦彼也彼亦是也彼  
亦一是非此亦一是非果且有彼是乎哉果且無彼是  
乎哉彼是莫得其偶謂之道樞樞始得其環中以應無  
窮是亦一無窮非亦一無窮也故曰莫若以明

茫茫昧也一云

即忙也與茫茫然歸同知代言不用他人代我知者為師也一云代謝也吹即續也穀鳥子欲出者也樞要也

郭注

今夫知者皆不知所以知而自知矣生者皆不知所以生而自生矣萬物雖異至于生不由知

未有不問者也故天下莫不芒也心之足以制一身之用者謂之成心人自師其成心則人各自有師矣人各自有師故付之而自當也夫以成代不成非知也心自自得耳故愚者亦師其成心未肯用其所謂短而舍其所謂長者也今日適越昔何由至未成乎心是非何由生明夫是非者羣品之所不能無故至人是順之理無是非而惑者以爲有此以無有爲有也惑心已成雖聖人不能解故付之自若而不強知也言者各有說故異于吹我以爲是而彼以爲非彼之所是而我又非之故未定也未定也者由彼我之情偏耳以爲有言邪然未足有所定以爲無言邪則據此已有言言與穀音其致一也有辯無辯誠未可定天下之情不必同而所言不能異故是非紛紜莫知所定也太道焉不在言何隱蔽而有真偽是非之

名紛然而起小成榮華自隱於道而道不可隱則真  
偽是非者行於榮華而止于適當見于小成而滅于  
大全也儒墨更相是非各私所見夫有是有非者儒  
墨之所是也無是無非者儒墨之所非也今欲是儒  
墨之所非而非儒墨之所是者乃欲明無是無非也  
欲明無是無非則不若還以儒墨反覆相明反覆相  
明則知其所是者非是而所非者非非矣物皆自是  
故無非是物皆相彼故無非彼無非彼則天下無是  
矣無非是則天下無彼矣無彼無是所以玄同也物  
皆不見彼之所見而獨自知其所知自知其所知則  
自以為是矣自以為是則以彼為非矣故曰彼出于  
是是亦因彼彼是相因而生者也夫死生之變猶春  
秋冬夏四時行耳故死生之狀雖異其于各安所遇  
一也今生者方自謂生為生而死者方自謂生為死  
則無生矣生者方自謂死為死而死者方自謂死為  
生則無死矣無生無死無可無不可故儒墨之辯吾

所不能同也至于各冥其分吾所不能異也是以聖人因天下之是非而自無是非也故不由是非之塗而是非無不當者直明其天然而無所奪故也是亦彼也我亦為彼所彼彼亦是也彼亦自以為是彼是有無未果定也偶對也彼是相對而聖人兩順之故無心者與物冥而未嘗有對于天下也樞要也此居其樞要會其玄極以應夫無方也是非相尋反覆無窮故謂之環環中空矣今以是非為環而得其中者無是無非也無是無非故能應乎是非是非無窮故應亦無窮天下莫不自是莫不相非故一是一非兩行無窮唯涉空得中者曠然無懷乘之以遊也

呂注 道無不在則言莫非道道惡乎隱而有真偽物無非道則言亦道也言惡乎隱而有是非知道無不在則何往而不存知言莫非道則何存而不可然有不存不可者以道隱于小成而不知大全言隱于榮華而

不知本實由是有儒墨之是非矣欲是其所非而非其所是則莫若以明明者復命知常之謂今儒墨之是非不離乎智識而未嘗以明故不足為是非之正若釋智回光以明觀之則物所謂彼是者果無定體無定體則無非彼無非是矣無定體而世以為有彼是猶方生者以生為生而方死者以死為生是以無有為有也自道觀之物之方生也生自何來其方死也死自何去知死生之一體則方生乃所以為方死方死乃所以為方生可不可也亦然此皆吾心之所造盡心窮神復乎無我則其體未嘗有異也因是因非因非因是更相為用而已

循本

言非吹也言人言非如天籟之吹萬物一以無心也言出于人未能無心故言特未定不可為準言

既未定人之視之亦如無有故曰果有言邪未嘗有言邪鵲鳥初出卵者人聞禽言如鵲則報喜鴉則報凶鵲



鳴知雨布穀催耕可聽之為準穀音未  
定則不可為準矣人言之未定猶是也

須溪

言非吹也言非如風之無情也其必有謂矣而  
所謂特未定也我以為是彼以為非物論方自

此始然自達者觀之此其在天地  
間何異穀音之在耳而足存乎

荆川

吹出于自然言者則有意矣故曰言非吹也明  
者大智慧也明照則通乎彼我無是非矣物則

有彼有此故曰物無非彼物無非是自因也因有彼  
則蔽而無見因智慧則能知之彼是作彼此二字看  
自明彼是涉于有矣而未嘗有也照之以天照即明  
與知字天者無是非之謂明乎無是非而後是  
非可  
泯也

管見

范無隱云未成心則真性渾融太虛同量成心  
則已離乎性有善有惡矣人處世間應酬之際

有不免乎成心即當師而求之于未成之前則善惡不萌是非無朕何所不齊哉夫人之止念非難不續為難能自初成心即師而求之于未成心之前則念不續而性可復矣是故對物則心生忘物則性現心離火也火不能自形必有所麗心同太虛則無所麗矣且心麗物而為善猶不若無心無為况麗物而為惡乎闕尹子云求于我者如石火頃以性對之物浮浮然此遺物離人攝情歸性之要也知代而心自取者正指師心之人以知代用自取于道以為成心者也

**筆乘**

彼不自生因此則有彼此不自生因彼則有此故曰彼出于是是亦因彼此皆從無生有所謂

方生之說也雖然生即與死對死即與生對方不可有不可方不可即有可一是一非相為匹偶此人也有非天也聖人不由而照之于天超然立乎是非之表而獨與造物者遊豈世之意見橫生者倫哉雖聖人

于是非亦不廢者乃世之所是因而是之世之所非  
因而非之不過如是而已因之一字老莊之要旨故  
下文累言以應之知此則此即彼彼即此彼之是非  
即此之是非果且有分別乎果且無分別乎彼此匹  
偶之相求之了不可得而道樞在此矣凡物奇圍而  
偶方環則終始無端中虛無物得道樞者似之故曰  
得其環中以應無窮蓋行乎是非無窮之塗而其無  
是非者自若非照之以天者不能所謂莫若以明  
也

以指喻指之非指不若以非指喻指之非指也以馬  
喻馬之非馬不若以非馬喻馬之非馬也天地一指  
也萬物一馬也可乎不可乎不可道行之而成物

謂之而然惡乎然然于然惡乎不然不然于不然物

固有所然物固有所可無物不然無物不可故為是

舉筵

庭

與楹厲與西施恢

悅

詭

決

怪道通為一其

分也成也其成也毀也凡物無成與毀復通為一唯

達者知通為一為是不用而寓諸庸庸也者用也用

也者通也通也者得也適得而幾矣因是已已而不

知其然謂之道勞神明為一而不知其同也謂之朝

三何謂朝三曰狙公賦芋

序

曰朝三而暮四衆狙皆

怒曰然則朝四而暮三衆狙皆悅名實未虧而喜怒為

用亦因是也是以聖人和之以是非而休乎天鈞是之

謂兩行

苙梁也楹柱也厲惡也一云癩病也恢大悅戾  
慙平怪異也狙公養援狙者也芋橡子也朝三

暮四朝三升  
暮四升也

郭注

夫自是而非彼天下之常情也故以我指喻彼指  
則彼指于我指為非指矣此以指喻指之非指也

若覆

以彼指還喻我指則我指于彼指復為非指矣此

以非指喻指之非指也將明無是無非莫若反覆相喻

反覆相喻則彼與我既同于自是又均于相非均于相  
非則天下無是同于自是則天下無非何者是若果是

則天下不得復有非之者也非若果非則天下亦不得  
復有是之者也今是非無主紛然殺亂明此區區者各

信其偏見而同于二致耳。仰觀俯察，莫不皆然。是以至人知天地一指也，萬物一馬也。故浩然大寧，各當其分。同于自得而無是非也，可于已者即謂之不可。于已者即謂之不可，道無不成，物無不然。各然其所以然，各可其所可。夫筵橫而楹縱，厲醜而西施好，所謂齊者，豈必齊形狀同規矩哉？故舉縱橫好醜，恢悅慙怪，各然其所然。各可其所可，則形雖萬殊而性同，得故曰道通為一也。夫物或此以為散而彼以為成，我之所謂成而彼或謂之毀者，皆生于自見而不見彼也。唯達者不滯于一方，故忽然自忘而寄當于自用。用者莫不條暢而自得也。幾盡也，至理盡于自得也。達者因而不作，故曰因是然。豈知因為善而因之哉？不知所以因而自因耳。故謂之道也，道即一也。達者之于一，豈勞神哉？若勞神明于為一不足賴也，與彼不一者無以異矣。亦同衆狙因所好而自是也，是以聖人莫之偏任，故付之自均而止。兩行者任天下之是非也。

呂注

以指喻指之非指欲有名食小大之辨不出于同體曷足為非指乎以馬喻馬之非馬雖有毛色驚

良之辨不離于同類曷足為非馬乎唯能不由是非而照之于天則出乎同體離乎同類然後足以定天下之真是非故天地雖大無異一指以其與我並生而同體也萬物雖衆無異一馬以其與我為一而同類也則物之不可不其執自我道行之而成非無為而成也物謂之而然非本有而然也其所然所可乃不熊不可之物自起而求其為之者卒不可得則知其本無有矣此物之所以齊也胡為趨舍于其間哉小大美惡固常相反今以道通而一之則其分也乃所以成其成也乃所以毀而萬物無成與毀後通為一唯達者知道為一故我則不用寄萬物之自用寄物則通通則無入而不自得矣若不知其然勞神明而為之乃所以為不一也

趙注

知指之外別有運動之者則知馬之非馬指馬有形者也外別有馳驅之者則知馬之非馬指馬有形色也

非指非馬無形者也。以有形喻形之非形，不若以無形喻形之非形也。則知天地之運萬物之生，皆別有主宰之者，求之于天地萬物之外，可也。不可不然，不然縱橫美惡，恢悅恬怪，是非成毀，復通為一，則無是非，非雖是亦不用也。庸常也，常者無用之用，所以為通通則得，則近于道矣。至是不特非者息，是者亦息，是非皆息，而猶不知其然而徒欲以離形去智為坐忘，非勞而何。

**士彰**

公孫龍子有白馬指物二篇，且謂白馬非馬。莊子蓋據此立論，解者至以馬為博塞之籌，何其謬也。

**肇乘**

天地之大，不異一指。萬物之多，不異一馬。況人為天地萬物中之一物乎？知此則真體廓然，是非盡

泯，而其天全矣。然聖人無是非，而亦未嘗廢是非，所謂因也。人所可因而可之，人所不可因而不可之，道可行因而成之，物有謂因而然之，是我無然然于物之所然耳。我無不然，不然于物之所不然耳。若此者，以物自有



所然自有所有可蓋無物不如此者又何必加是非于其  
間哉筵與楹反厲與西施反分與成反成與毀反極之  
恢悅慍怪昏通而一之非洞然曉徹冥乎至理者不能  
此莊生之所謂達也不用不自用也寓諸庸因乎人也  
庸即人之所常用故曰庸也者用也凡物不用則滯用  
則通故曰用也者通也道至于通則得矣故曰通也者  
得也至于得則幾矣而總之只是因之一字盡之也又  
恐不明因之為義但觀徂公賦芋不自增減而因衆狙  
之喜怒為增減非因而何是以聖人外則因人而和之  
以是非內則休乎無是無非之天鈞不以跡之有是非  
而礙其心之無是非  
所以謂之兩行也

古之人其知有所至矣惡乎至有以為未始有物者至  
矣盡矣不可以加矣其次以為有物矣而未始有封也

其次以為有封焉而未始有是非也是非之彰也道之  
所以虧也道之所以虧愛之所以成果且有成與虧乎  
哉果且無成與虧乎哉有成與虧故昭氏之鼓琴也無  
成與虧故昭氏之不鼓琴也昭文之鼓琴也師曠之鼓  
琴也惠子之據梧也三子之知幾乎皆其盛者也故載  
之末年唯其好之也以異于彼其好之也欲以明之彼  
非所明而明之故以堅白之昧終而其子又以文之綸  
終終身無成若是而可謂成乎雖我亦成也若是而不

可謂成乎物與我無成也是故滑汨疑之耀聖人之所

圖也為是不用而寓諸庸此之謂以明

昭文古善琴者技柱也策杖也

舉杖以擊節梧琴也載之末年書之于今也  
堅白石白馬之弊也綸琴瑟弦也滑亂也

郭注

知夫未始有物者此忘天地遺萬物外不察乎宇  
宙內不覺其一身故曠然無累與物俱往而無所

不應也未始有封者雖未都忘猶能忘其彼此也未始  
有是非者雖未能忘彼此猶能忘彼此之是非也是非  
彰而道虧無是非乃全也道虧則情有所偏而愛有所  
成未能忘愛釋私玄同彼我也夫聲不可勝舉也故吹  
管操絃雖有繁手遺聲多矣而執籥鳴絃者欲以彰聲  
也彰聲而聲遺不彰聲而聲全故欲成而虧之者昭文  
之鼓琴也不成而無虧者昭文之不鼓琴也幾盡也夫  
三子者皆欲肆非已所明而明之故知盡慮窮形勞神

倦或枝策假寐或據梧而瞑然賴其盛故能久不爾早  
困也三子惟獨好其所明自以殊于衆人欲使衆人同  
我之所好是猶對牛鼓簧耳彼竟不明故已之道術終  
于昧然也文之子又終文之緒亦卒不成此三子雖求  
明于彼彼竟不明所以終身無成若三子而可謂成則  
我之不成亦可謂成也物皆自明而不明彼若彼不明  
即謂不成則萬物皆相與無成矣故聖人不顯此以糴  
彼不捨已而逐物從而仕之各冥其所能故曲成而不  
遺也今三子欲以已之所好明示于彼不亦妄乎夫聖  
人無我者也故滑疑之難則圖而域之恢悅憐怪則道  
而一之使衆異各安其所安衆人不失其所是則已不  
用于物而萬物之用矣物皆自用則孰是孰非哉故  
雖致蕩之變徭奇之異曲而從之  
寄之自用則用雖萬殊歷然自明

呂注

道無不在則物無非道物無非道則道外無物此  
古之人所以為未始有物能即物而為道者也知

止于此則至矣其次以為有物而未有封域未能即物  
為道而能以道通物其次以為有封而未有所是是非未能  
以道通物而能遺物以合道二者所知雖未盡善于道  
猶未虧也至于是非之彰道所以虧道虧而情生愛之  
所以成也然自達者觀之未始有物果且有無成虧乎  
哉昭氏之鼓琴師曠之技策惠子之據梧明有無成虧  
之意亦幾矣若是而可謂成則無成者亦成也若是而  
不可謂成則物與我卒無成也奈何役心于有無成虧  
之間而欲  
以為成哉

**趙注**

昭文之琴非師曠不知其音惠子之辯非莊子不  
知其旨三子各造于妙而不鼓之鼓不聽之聽不

辯之辯蓋未之知也故莊子後之莊子自謂所以異惠  
子者我之所明異于彼彼于不足明而明之雖肆堅白  
同異之辯終于昏昧不明若昭文之子不知無絃之玄  
終于無成而已如此而謂之成亦可謂之不成亦可皆

欽定四庫全書

卷一

不係乎其真是故滑亂疑惑之中而明出焉聖人之所尚也

口義

此一段固是自天地之初說來然會此理者眼前便是且如一念未起是未始有物此念既起便是

有物因此念而有物有我便是有封因物我而有好惡喜怒便是是非未能回思一念未起之時但見胸次膠擾便是道虧而愛成及此念一過依然無事便見得何嘗有成有虧若能如此體認皆是切身受用

今且有言于此不知其與是類乎其與是不類乎類與不類相與為類則與彼無以異矣雖然請嘗言之有始也者有未始有始也者有未始有夫未始有始也者有有也者有無也者有未始有無也者有未始有夫未始

有無也者俄而有無矣而未知有無之果孰有孰無也  
今我則已有謂矣而未知吾所謂之其果有謂乎其果  
無謂乎天下莫大于秋豪之末而大泰山為小莫壽乎  
殤子而彭祖為夭天地與我並生而萬物與我為一既  
已為一矣且得有言乎既已謂之一矣且得無言乎一  
與言為二二與一為三自此以往巧歷不能得而況其  
凡乎故自無適有以至于三而況自有適有乎無適焉  
因是已

豪毛至秋而爽  
細以喻小也

郭注

今言無是非不知其與言有者類乎不類乎謂之類則我以無為是彼以無為非斯不類矣然此雖

是非不同亦未免于有是非也則于彼類矣故曰類與不類相與為類則與彼無以異也然則將大不類莫若是非既遠是非又遠其遠遠之又遠之以至于無遺然後無遺無不遺而是非自去矣請嘗言之者至理無言言則與類故試寄言之也有始言必有終也未始有始謂無終始而一死生也未始有夫未始有始言一之者未若不一而自齊斯又忘其一也有有則美惡是非具也有無則未知無無是非好惡猶未離懷也未始有無知無無矣而猶未知無知也未始有夫未始有無能而有無未知有無之孰有孰無此都忘其知也爾乃能然始了無耳了無則天地萬物彼我是非路然確斯也我已謂者謂無是非即後有謂也未知吾謂之果有果無爾乃蕩然無纖芥于胸中也夫以形相對則泰山大下秋毫也若各具性分物冥其極則形大未為有餘形



小不為不足苟各足于其性則秋毫獨小其小泰山不獨大其大矣若以性足為大則天下之足未有過于秋毫也若性足者非大則雖泰山亦可稱小矣太山為小則天下無大矣秋毫為大則天下無小矣無小無大無奇無天是以螻蛄不羨大椿而欣然自得斥鴳不貴天池而榮願已足苟足于天然而安其性分故雖天地未足為壽而與我並生萬物未足為異而與我同得也萬物萬形自得則一已自一矣理無所言物或不能自明其一而以此逐彼故謂一以正之既謂之一即是有言矣夫以言言一而一非言也則一與言為二矣一既一矣言又二之有一有二得不謂之三乎夫以一言言一猶乃成三况尋其枝流凡物殊稱何可勝紀故一之者與彼殊而忘一者無言而自一也因是者各止于所能乃最是也

呂注

夫人所以不能遺彼我忘是非以至于未始有物者以不知彼我是非之心所自始也欲達此理必

于其始觀之故曰有始也者始本無自有此始則有自  
矣又曰未始有始也者所以遺其所自也遺之而所遺  
者不去亦不免為有所自而已又曰未始有夫未始有  
始也者所以遺其所遺也既無所自又無所遺則我心  
之所起豁然得之知今之所有者舉出于無也唯能知  
此則存亡在我我欲無之不起而已夫求其所始者不  
可得又求其所無者亦不可得則其悟在俛仰之間胞  
然自合故曰俄而有無矣未知有無之果孰有孰無也  
使學者忘言而以心契之雖然吾今所言亦未始有物  
也則有謂無謂吾安得而知之又使學者知夫言之未  
嘗有言也夫唯知吾心之所自起則毫末太山殤子彭  
祖以至天地萬物莫不起于此也則小大久近豈有常  
體哉有我則有天地故天地與我並生  
無我則無萬物故萬物與我為一也

筆乘

無適焉因是已言自無適有者識風鼓浪展轉不  
窮為是為非竟無了歇無適者自有適無者也適

無則無是非而因人之是非以為是非故曰因是已此句篇中凡數見而解者俱失之以不知是已為語詞而連因字讀之故也

夫道未始有封言未始有常為是而有畛也請言其畛有左有右有倫有義有分有辯有競有爭此之謂八德六合之外聖人存而不論六合之內聖人論而不議春秋經世先王之志聖人議而不辯故分也者有不分也辯也者有不辯也曰何也聖人懷之衆人辯之以相示也故曰辯也者有不見也夫大道不稱大辯不言大仁

不仁大廉不嘽

諫

大勇不忤道昭而不道言辯而不及

仁常而不成廉清而不信勇忤而不成五者園圓而幾

向方矣故知止其所不知至矣孰知不言之辯不道之

道若有能知此之謂天府注焉而不滿酌焉而不竭而

不知其所由來此之謂葆光故昔者堯問于舜曰我欲

伐宗膾胥敖南面而不釋然其故何也舜曰夫三子者

猶存乎蓬艾之間若不釋然何哉昔者十日並出萬物

昏照而况德之進乎日者乎

有倫有義崔本作有論有識忤害也一云健也園圓

也宗贈胥教三國名  
宗一贈二胥教三也

郭注

道未始有封冥然無不在也言未始有常彼此是非無定主也為是而有畛者道無封故萬物得恣

其分域也左右者各異便也倫義者物物有理事有宜也分辯者羣分而類別也並逐曰競對辯曰爭略而判之有此八德六合之外謂萬物性分之表耳夫物之性表雖有理存焉而非性分之內則未嘗以感聖人也故未嘗論之若論則引物使學其所不能矣故不論其外而八畛同于自得也論而不議陳其性而安之也操而不辯者順其成迹擬乎至當之極不執其所以非衆人也分不辯不辯者物物自分事事自別而欲由已以分別之者不見彼之自別也懷之者以不辯為懷耳聖人無懷也辯有不見者不見彼之自辯故辯已所知以示之也不稱者付之自稱無所稱謂也不言者已自別也不仁者無愛而自存也不噁者至足者物之去

欽定四庫全書

卷三

來非我也故無所容其嫌盈不忤者無往而不順故能  
無險而不往也道昭而不道者以此明彼彼此俱失也  
言辯而不及者不能及其自分也仁常不成者物無常  
愛常愛則不同也廉清不信者激然廉清貪名者耳非  
真廉也勇忤不成者忤逆之勇天下共疾之無敢舉足  
之地也此五者皆以有為陽當者也不能止乎本性而  
求外無已夫外不可求而求之猶以圓學方以魚是鳥  
耳此愈近彼愈遠學彌得而性彌失故齊物而偏尚之  
累去矣所不知者昏性分之外故止于所知之內而至  
也不言之辯不道之道者浩然都任之也不滿不竭者  
至人之心若鏡應而不藏故曠然無盈虛之變也不知  
所由來者至理之來自然無迹也葆光者任其自明故  
其光不蔽也欲伐三國而不釋然者于安任之道未弘  
故聽朝而不怡也將寄明齊一之理于大聖故發自怪  
之問以起對也夫物之所安無陋也則蓬艾乃三子之  
妙處若不釋然何哉夫重明登天六合俱照無有蓬艾

而不光被也夫日月雖無私于照猶有所不及德則無  
不得也而今欲奪蓬艾之顯而伐使從已于至道豈弘  
哉故不釋然神解耳若乃物暢其性各安其所安遠近  
幽深付之自若昏得其極則彼無不當而我無不怡也

**趙注**

此知止其所不知則無能名焉道之至也若人能知

酌不竭言無所底止也不知其所由來則  
併其知而去之矣葆光言自晦其明也

**循本**

大廉不嗾嗾者嫌口銜物也為心有所銜之義有  
銜其快與足者有銜其恨與少者此言不嗾大廉

者不以廉  
自足也

**補注**

莊子所謂物論蓋指百家眾技而言百家眾技各  
有所見而不能相通是非彼此殊塗百慮不可究

詰譬則山林之遇風而聲則殊肢腋之具體而用各異  
所謂吹萬不同使其自已而非物論之能自為異同也

任其自然不與分辨則物論齊矣至于天地間自有一種正經道理議論不可少者人不可與百家衆技同論故又着此二段自六合之外至葆光以明神聖之教與諸家不同此是其胸中大有分曉但不明說破耳

筆乘 通無封言無常聖人何惡于封與常哉爲其立于是非之吟也左右論義分辨競爭此八德皆謂之吟聖人存而不論論而不辨辨而不議則超然是非之表而何至于有吟哉然聖人非但不論不辨不議爲無吟也即其有時而論而辨亦不得謂之吟也聖人心無分別分即謂之不分辨即謂之不辨所以者聖人以不見爲辨衆人以相示爲辨此其所以異耳不稱不言不仁不噍不伐歷引古語以證之五者至德渾成名相不立此所謂因也若道昭言辨仁常肅清勇伐則圭角太露而近于方矣方即吟也噫世知不知之爲至不知知而不知爲尤至所謂不言之辨不道之道是也此則有即無色即空豈非注而不滿酌而不竭不知其所由來



之天府乎葆光即  
知而不知之謂

齧缺問乎王倪曰子知物之所同是乎曰吾惡乎知之  
子知子之所不知邪曰吾惡乎知之然則物無知邪曰  
吾惡乎知之雖然嘗試言之庸詎知吾所謂知之非不  
知邪庸詎知吾所謂不知之非知邪且吾嘗試問乎女  
汝  
民溼寢則腰疾偏死繻然乎哉木處則惴慄恂懼  
猿猴然乎哉三者孰知正處民食芻豢麋鹿食薦蝼且  
疽甘帶鴟鵂嗜鼠四者孰知正味猿獼獼旦旦以為雌

麋與鹿交鰭與魚游毛嬙麗姬人之所美也魚見之深入鳥見之高飛麋鹿見之決驟四者孰知天下之正色哉自我觀之仁義之端是非之塗樊然淆亂吾惡能知其辯蓋缺曰子不知利害則至人固不知利害乎王倪曰至人神矣大澤焚而不能熱河漢沍而不能寒疾雷破山風振海而不能驚若然者乘雲氣騎日月而遊乎四海之外死生無變于已而況利害之端乎

卿且蜈公也且一作

蛆帶蛇編担一名獠獠似猿狗頭其雄喜與雌猿為牝牡互凍也潤也

郭注

所用其知若自不知其所不知即為有知有知則無

能任羣才之自當也都不知乃曠然無不任矣嘗試言之者以其不知故未敢正言試言之耳魚游于水水物所同咸謂之知然自鳥觀之則向所謂知者復為不知矣故舉民鰭猿三者以明萬物之異便次舉民鹿蛆鶴四者以明美惡之無主又舉猿獼猴麋鹿鰭魚毛麗以明天下所好之不同也不同者而非之則無以知所同之必是矣仁義是非樊然殽亂言利于彼或害于此天下之彼我無窮則是非之竟無常故唯莫之辯而任其自是然後蕩然俱得也齧缺未能妙其不知故猶疑至人當知之斯懸之未解也至人神矣無心而無不順也不熱不寒不驚者神全形具體與物冥雖涉至變而未始非我故蕩然無蠶介于胸中也來雲氣者寄物而行非我動也騎日月者有晝夜而無死生也游四海之外者無其知而任天下之自為故馳萬物而不窮也

呂注

道不可知知之所以不知不知所以知之則道之為體可見矣今夫民以體知安佚為正處口知芻

豢為正味目知好色為正色正如鮪鯈之所欲安蛆鴛之所甘魚鳥麋鹿之相與為偶者如彼是各以其知為知之正則民與萬物之所知豈有正處正味正色哉誠不得正處正味正色而知之則其所以知者非正可知矣故自我觀之仁義是非樊然亂吾安能知其辯所以四問而四不知也至人神矣神則妙萬物而為言萬物莫非我而我則無矣孰能寒熱而驚懼之哉

疑獨

天下之正處無處是也天下之正味無味是也天下之正色無色是也雖然以無為是者見無而已

故但言有處有味有色之殊而不言無之為正自我觀之是非仁義樊然亂孰從而正之故不知其辯乃所以辯也

管見

物之所同是諸解未明竊意人物之所同者性所異者情性流為情物各自是彼此偏見指馬相非

論殊而嫌隙生辨極而忿爭起以至肝膽楚越父子路人者有之其患實始于知之一字妄生分別故王倪三答吾恐乎知之欲蓋缺反求其所不知得其同然之性而冥夫大通之理則近矣又恐未能心會繼以人鳥獸之異宜處味色之非正然則所謂知者豈真知所謂不知者豈真不知哉

循本

麋鹿食薦薦稠草也漢景帝詔或池饒廣薦草莽趙充國奏今虜去其美地薦草

瞿鵲子問乎長梧子曰吾聞諸夫子聖人不從事于務

不就利不違害不喜求不緣道無謂有謂有謂無謂而

遊乎塵垢之外夫子以為孟浪之言而我以為妙道之

行也吾子以為奚若長梧子曰是黃帝之所聽熒也而  
丘也何足以知之且汝亦大早計見卵而求時夜見彈  
而求鶚炙子嘗為汝妄言之汝以妄聽之奚旁去聲日月

挾宇宙為其脗合置其滑

汨滑昏

以隸相尊衆人役役

聖人愚芑參萬歲而一成純萬物盡然而以是相蘊予

惡乎知說

悅

生之非惑邪予惡乎知惡死之非弱喪而

不知歸者邪麗之姬艾封人之子也晉國之始得之也

涕泣沾襟及其至于王所與王同筐牀食芻豢而後悔

其泣也予惡乎知夫死者不悔其始之斲生乎夢飲酒者旦而哭泣夢哭泣者旦而田獵方其夢也不知其夢也夢之中又占其夢焉覺而後知其夢也且有大覺而後知此其大夢也而愚者自以為覺竊竊然知之君乎牧乎固哉丘也與女汝下同皆夢也予謂女夢亦夢也是其言也其名為弔的詭萬世之後而一遇大聖知其

解蟹者是旦暮遇之也

長梧封人名丘孟浪向音漫瀾無所趣舍之謂聽英疑惑也崔

云小明不大了也時夜司夜雞也鷄大如斑鳩綠色肉甚美滑滑未定之謂雀一作匡匡牀安牀也竊竊猶察

察也弔至  
詭異也

郭注

不從事于務者務自來理自應耳非從而事之也

求之不喜直取不怒也不緣道獨至者也無謂有謂有  
謂無謂者凡有稱謂皆非吾所謂也彼各自謂耳故無  
彼有謂而有此無謂也凡非真性皆塵垢也夫物有自  
然理有至極循而直往則冥然自合非所言也故言之  
者孟浪而聞之者聽焚雖復黃帝猶不能使萬物無懷而  
聽焚至竟故聖人付當于塵垢之外而玄合乎視聽之  
表照之以天而不逆計故之自爾而不推明也今瞿鵠  
方聞孟浪之言而便以為妙遁之行斯無異見卵而責  
司晨之功見彈而求鶚炙之實也夫不能安時處順而  
探變求化當生而慮死孰是以辨非皆逆計之徒也言  
之則孟浪故試妄言之若正聽妄言復為大早計故亦  
妄聽之以死生為晝夜旁日月之營也以萬物為一體



挾宇宙之譽也。以有所曉。故尊卑生焉。而滑浴紛亂。莫之能正。各自是。于一方矣。故為惛然。自合之道。莫若置之。勿言。委之。自爾也。惛然無波際之。謂役役馳騫于是。非之境也。愚菀然無知。而直往之。貌純者不雜者也。夫舉萬世而參其變。衆人謂之雜矣。故役役然勞形。怵心而去。彼就此。唯大聖無執。故菀然直往。而與變化為一。一變。化而常遊于獨者也。故雖參糅億載千殊萬異。道行之。而成。則古今一成也。物謂之。而然則萬物一然也。無物不然。無時不成。斯可謂純也。蘊積也。積是于萬歲。則萬歲一是也。積然于萬物。則萬物盡然也。故不知死生先後之所在。彼我勝負之所。如也。死生一也。而獨說生欲與變化相背。安知其非惑也。少而失其故居。名為弱喪。弱喪者。遽安于所在。而不知歸于故鄉也。焉知生之非夫弱喪焉。知死之非夫還歸而息之哉。觀于麗姬先泣。後悔。一生之內。情變若此。當此之日。則不知彼況夫死生之變。惡能相和哉。故寤寐之間。事苟變。情亦

異則死生之願不得同矣故生時樂生則死時樂死矣死生雖異其于各得所願一也則何係哉方夢不知其夢則當死之時亦不知其死而自適其志也夫夢者夢中復占其夢則無以異于寤者也當所遇無不足也何為方生而憂死哉大覺者聖人也大覺者乃知夫患慮在懷者皆未寤也愚者大夢而自以為寤故竊竊然以所好為君上而所惡為牧圉欣然信一家之偏見可謂固陋矣非常之談非常人之所知故謂之弔當卓詭而不識其懸解旦暮遇之者言能蛻然無係而玄同生死者至希也

**呂注**

聖人不知利害故無就違無不足故不喜求無非道故不緣道有謂乃所以無謂無謂乃所以有謂

唯無心者足以與此翟鵲子嘗問夫子言之以為孟浪而已則以為妙道然二者皆非夫道非言默所載故時夜生于卯而卯非時夜鶉炙得于彈而彈非鶉炙妙道因于所聞而所聞非妙道也今之聞道者自以為悟而

不知日損以至于無為皆瞿鵲之徒也道不可以言傳耳聽予言之而汝聽之皆妄而已欲其妄言而以心契之也知日月之所以為日月而與之合其明則可旁矣知宇宙之所以為宇宙而其機在乎手則可扶矣為其相合此所以為妙道之行非特聞之而已滑濬而以隸相尊者固置而不取矣衆人役役不見成功聖人則愚而無知范而不散雖萬世之久參而一之則成純矣萬物盡然而以是相蘊我體備萬物萬物即吾體之謂也參萬歲而一成純則殤子可以壽于彭祖矣萬物盡然以是相蘊則秋毫可以大于太山矣以麗姬觀之則安知死者不悔其向之斷生又何生之可悅死之可惡乎

**碧虛**

參萬歲而一成純者通古今如旦暮合萬變為混成也至人以生死為大夢超生死為大覺衆人以

魂交為夢形開為覺顛倒詭異惑于生死是故達人發此覺夢之至言以弔趣死之詭異夫死生之係雖無繩

約而不可解若乃經歷萬世一遇大聖  
釋此死生之縛者是猶旦暮之遇也

新傳 嘗日月者一晝夜也挾宇宙者齊遠近也衆人有  
我物于物而為物所役故曰役役聖人無我不物

物而與物為  
一故曰愚范

須溪

隸至下者也  
和光同塵而先其至下是以隸為尊  
也隸尊則無下無下則無辱老子云寵為下即此

意君乎牧乎即夢為人君夢為人僕者謂舉世盡夢方  
竊竊然有擇于此陋矣哉到此漸說入夢境既入夢境  
更問甚  
是非

筆乘

真何不也  
為下句詩弱喪禮記二十日弱喪亡失  
也旦暮遇之言有知之者雖萬世之遠猶如旦夕

甚言其難得也古云千里而  
一聖猶比肩也語意亦如此

既使我與若辯矣若勝我我不若勝若果是也我果非也邪我勝若若不吾勝我果是也而果非也邪其或是也其或非也邪其俱是也其俱非也邪我與若不能相知也則人固受其黜啖闇吾誰使正之使同乎若者正之既與若同矣惡能正之使同乎我與若者正之既異乎我與若矣惡能正之使同乎我與若者正之既同乎我與若矣惡能正之然則我與若與人俱不能相知也而待彼也邪何

謂和之以天倪曰是不是然不然是若果是也則是之異乎不是也亦無辯然若果然也則然之異乎不然也亦無辯化聲之相待若其不相待和之以天倪因之以

曼萬衍去聲所以窮年也忘年忘義振于無竟故寓諸無

竟

黠闇不明貌倪分也際也班固曰天研曼衍無極也竟如字極也崔本作境

郭注

不知而後推不見而後辯辯之而不足以自信以其與物對也辯對終日黠闇至竟莫能正之故當

付之自正耳同故是之異故非之皆未足信是若果是則天下不得復有非之者也非若信非則亦無緣復有是之者也今是其所同而非其所異異同既具而是非無主故夫是非者生乎好辯而休乎天均付之兩行而

息乎自正也待彼不足以正此則天下莫能相正也故  
付之自正而至矣天倪者自然之分也是非然否彼我  
更對故無辨無辯故和之以天倪安其自然之分而已  
不待彼以正此是非之辨為化聲化聲之相待俱不足  
以相正故若不相待也和以自然之分任其無極之化  
尋斯以往則是非之境自泯而性命之致自窮也忘年  
故玄同死生忘義故彌貫是非非死生蕩而為一  
斯至理也至理暢于無極故寄之者不得有窮也

呂注

是天下之所謂是非者不過我是若非若是我非或

俱不能相知則所謂是非者卒不明矣人固受其蹇闇  
誰與正之必正于人也而人者非同乎已則同乎若非  
異乎已則異乎若非同乎我與若則異乎我與若亦不  
過四者而皆不能正之則是我與若與人俱不能相知  
也其待彼也耶言不相待也唯聖人知其然故雖化聲  
之相待若其不相待則彼是莫得其耦而休乎天均矣

何則言之是非有實也聲之出于化而已我之與人相待與不相待又出于識心之妄計也我則和之以天倪而不為之分辯因之以曼衍觸類而長之則萬物不累乎心矣窮年則參萬歲而一成純之謂也是不是然不然之無辯者知其同體而物物皆然也窮年則忘年無是非則忘義始起于無竟故終亦寓于無竟也化聲之相待至所以窮年也合在何謂和之以天倪之上簡編脫誤在此觀文意可知

疑獨

凡言是未必是言然未必然故其異同亦皆無辯然之與是復自相對又均于變也有化者有化化

者有聲者有聲聲者化者之化非聲則不顯聲者之聲非化則不彰此化聲之相待也然而聲出乎化非化之所能知化統乎聲非聲之所能識此又若其不相待也夫相待生于兩物若合萬化為一則相待之迹無由而生夫聲者常聲不待物而後聲聞者自因物而生聽耳化者常化不待聲而後化見者自因聲而生識耳此其



所以相待而  
苦不相待也

管見

死生覺夢之分由于化者也彼我是非之辯出于

聲者也覺夢依乎形是非生乎情有若相待也然  
而化者自化不知其所以化聲者自聲不知其所以聲  
又若不相待也要夫物理之至極莫逃造化之自然此  
萬化之所出入萬  
物之所以齊也

詳道

天倪者性命之端曼衍者無窮之變和以天倪因  
以曼衍則物我不蔽于是非而各盡其性命之分

此其所以窮年也忘年則死生為一條忘義則不可  
為一貫死生不可不可固無竟矣而知忘之者豈以為有  
物邪特寓  
之而已

副墨

上既言必待萬世之後遇大聖乃知其解因此又  
作一重議論言我也若也人也三者俱不相知也

而何須待彼也邪彼即大聖也大聖却是不知之知不言之辯和之以天倪者也天倪則是與不是然與不然泯然無迹雖其聲或寄之是非亦化聲耳此其相待與不相待同也相待即上待彼之待振收也言其終于無盡而已禪者曾問畢竟何如答曰此中亦無畢竟此即無竟之說也

罔兩問景

影

曰曩子行今子止曩子坐今子起何其無

特操與景曰吾有待而然者邪吾所待又有待而然者

邪吾待蛇蚺

數

蜩翼邪

惡識所以然惡識所以不然

昔者莊周夢為胡蝶栩栩

許

然胡蝶也自喻適志與不

知周也俄然覺

教

則遽遽然周也不知周之夢為胡蝶

與胡蝶之夢為周與周與胡蝶則必有分矣此之謂物

化

周兩景之景也崔本作罔浪無特無常也蚶蛇腹下  
齟齬可以行者栩栩喜貌遂遂有形貌崔作據據引

大宗師云  
據然覺也

郭注

罔兩景外之微陰也吾有待而然者邪言天機自  
爾坐起無待無待而獨得者孰知其故而責其所

以哉若責其所待而尋其所由則尋責無極卒至于無  
待而獨化之理明矣若待蛇蚶螟翼則無特操之所由  
未為難識也今所以不識正由不待斯類而獨化故耳  
或謂罔兩待景景待形形待造物者請問夫造物者有  
邪無邪無也則胡能造物哉有也則不足以物眾形故  
明乎眾形之自物自造而無所待焉此天地之正也故  
彼我相因形景相生雖復玄合而非待也今罔兩之因  
景猶云俱生而非待故罔兩非景之所制而景非形之

所使形非無之所化也則化與不化然與不然從人之  
與由已莫不自爾吾惡識其所以哉故任而不助則本  
末內外泯然無迹若乃責此近因忘其自爾宗物于外  
喪主于內而愛尚生矣何夷之得有哉自喻適志自快  
得意悅豫而行也方其夢為胡蝶而不知周則與殊死  
不異也俄然覺則遂遽然周自周而言故稱覺耳未必  
非夢也今之不知胡蝶無異于夢之不知周也而各適  
一時之志則無以明胡蝶之不夢為周矣世有假寐而  
夢經百年者則無以明今之百年非假寐之夢者也覺  
夢之分無異于死生之辨今所以自喻適志由其分定  
非由無分也夫時不暫掉而今不遂存故昨日之夢于  
今化矣死生之變豈異于此而勞心于其間哉方為此  
則不知彼夢為胡蝶是也取之于人則一生之中今不  
知後麗姬是也而愚者竊竊然自以為知生之可樂死  
之可苦未聞  
物化之謂也

呂注

與罔兩之于景同類也而不知景之無待於形猶我

行止坐起唯形是隨則無特操者也然本無情豈知有  
待若謂景待于形形又何待而然邪景之待形非若蛇  
之待蚴而形之待翼而飛也惡識所以然不然哉人  
能通乎物之無知則蛇蚴翼亦無待而已故方其為  
蝶也栩栩然不知有周及其為周也蘧蘧然不知有物  
一身之變猶不自知則物之化而異形其能相知乎物  
物不相知則各歸其根物物不相  
待則莫得其偶其有不齊者邪

口義

在莊周則以夜來之為胡蝶夢也恐胡蝶在彼又

胡蝶之夢為周與這箇夢覺須有箇分別處故曰周與  
胡蝶則必有分矣此一句似結不結却不說破正要人

于此  
參究

須溪

夢覺齊人物齊小大齊是非齊生死齊盡矣他人于此必在齊上收煞却冷轉一語翻盡從前話柄

曰周與胡蝶必有分矣不知者以為尚生分別知者以為人牛俱失之機也正言若反

副墨

此又從前相待二字生議論周兩待景景待形形待造化今我又待彼彼又待天如此則不消待彼

只和以天倪而所待之天取之我而自足矣以夢覺分彼我我是夢中之胡蝶彼為覺後之莊周以一人分夢覺為夢中之胡蝶今為覺後之莊周故曰必有分矣所謂一而二二而一者若果是兩箇須索待彼原是一箇則不消有待矣物化言古今夢覺混融為一也物化而後能不物于物

管見總論

首設二子問答詳論人籟地籟之不齊明天籟之自然非唯理不待齊亦非齊之所及故

于其問旁證剛引而不指言天籟欲人心契而自得之夫生物糾紛榮謝萬變自形自色自消自息卒歸天籟

而止天籟者無形無聲而形聲之所自出神化之所發  
見也。僅能究夫人籟地籟之所由作則天籟可知。故郭  
註云：豈復別有物哉？即衆竅比竹接乎有生之類會而  
共成一耳。至論知言覺夢成心言吹可否是非方生  
方死無異乎萬竅怒號及乎得其環中以應無窮則虛  
以待物物亦無礙此忘而彼自化風濟竅虛之謂也。天  
地一指萬物一焉則以不齊齊之慨悅慍怪道通為一  
有不待齊而自齊矣。若夫狙公賦茅喜怒所由生昭文  
鼓琴成虧所以著言有心有為不足一以化物何望于齊  
哉？至于天地與我並生萬物與我為一可以言齊矣。又  
慮或者以一與言為二二與一為三此又散而不齊之  
兆也。唯造乎未始有物注酌無窮以大覺而知大夢參  
萬歲而一成純所以既天下之物而齊之之道也。周兩  
問景不知即異而同南華夢蝶孰究非同非異蓋極論  
物我生死覺夢之不齊而終歸于物化南華之所謂化  
即大易所謂神潛于恍惚見于日用而不可以知知識

識由是悟萬物一形也萬形一化也萬化一神也神而明之變而通之孰為物孰為我夫是之謂大齊

竿乘

齊物篇始之以無彼我同是非合成毀一多少均小大而已及其言之至則次之以參古今一生死

同夢覺千變萬化而歸于一致所謂明達而無礙者也然而物我齊之則可也至于夢覺則何以同之歟夫晝之所為與夜之所夢一也然晝以覺夜以寐小有不同也積久而通則晝所為夜所夢茫然無所分別矣江適有言覺能知夢夢不知覺則覺固真于夢覺之所為止存于思慮之中夢之先知乃出于思慮之外則夢又靈于覺旦旦之覺其云為常有倫昔昔之夢其見聞常不續夢覺須臾之說耳其差殊乃至此况死生為去來之大變苟非其人欲無淪溺于造化得乎哉雖然苟能早悟于夢覺則死生之去來亦不足道也

養生主第三

郭註夫生以養存則養生者理之極也若乃養過其極以養傷生非養生



之主也

吾生也有涯而知也無涯以有涯隨無涯殆已已而為

知者殆而已矣為善無近名為惡無近刑緣督以為經

可以保身可以全生可以養親可以盡年

殆已向云疲困之謂緣順

也督中也趙註奇經八脉中脉為督衣背當中之縫亦謂之督見禮記深衣註經常也

郭注

生也有涯所稟之分各有極也夫舉重攜輕而神氣自若此力之所限也而尚名好勝者雖復絕膂

猶未足以慊其願此知之無涯也故知之為名生于失當而減于冥極冥極者任其至分而無毫銖之加是故雖負萬鈞苟當其所能忽然不知重之在身雖應萬機泯然不覺事之在已此養生之主也若以有限之性尋

無極之知安得而不困哉已困于知而不知止又為知以救之斯養而傷之者真大殆也必也忘善惡而居中任萬物之自為悶然與至當為一故刑名遠已而全理在身也緣督以為經者順中以為常也苟得中而冥度則保身全生養親盡年事事無不可者夫養生非求過分蓋全理盡年而已矣

呂注

生隨形而有盡知逆物而無窮以生隨知則有殆而已已而繼之以知卒于殆而已夫天下皆知美

之為美斯惡已皆知善之為善斯不善已善惡皆生于知其相去何若唯上不為仁義之操以近名下不為淫僻之行以近刑善惡兩遺而緣于不得已以為常是乃剗心去知而止乎不知之道也保身全生養親盡年何以加此

疑獨

夫真性裂而有善惡善惡立而有名刑唯順性命之情而不損不加于萬物混同而無譽無毀則刑

名之所不能及也天下所以有善名因不及者立所以  
有惡名因過之者生或輕生趨義以要一時之名或貪  
生逐利以陷中道之大昏所謂近名近刑  
之善惡非順性命之情而去其已甚者也

管見

為善無近名為惡無近刑或引善不積不足以成  
名惡不積不足以滅身為證則是為而近名刑也

或引上不取為仁義之操下不敢為淫僻之行則是不  
為而不近名刑也此其義與經異蓋世所謂善惡特見  
其迹者耳聖賢所謂善惡公而無畛為子無為豈常情  
所能識哉夫為善惡而近名刑不為善惡而無名刑皆  
理之當然今則為之而不近名刑者世人視之以為善  
惡而聖賢之心常順乎中道合天理之自然而已故利  
害不能及而道之所歸也督字訓中乃喜怒哀樂之未  
發非善惡兩間之中也苟于七情未發之時循之以為  
常道則虛靈通有無莫係吾與太極同一混成又  
惡知身之可保生之可全親之可養年之可盡哉

庖丁為文惠君解牛手之所觸肩之所倚足之所履膝之所踣紀砉然騞然奏刀騞然莫不中音合于桑

林之舞乃中經首之會文惠君曰嘻善哉技蓋至此乎

庖丁釋刀對曰臣之所好者道也進乎技矣始臣之解

牛之時所見無非牛者三年之後未嘗見全牛也方今

之時臣以神遇而不以目視官知止而神欲行依乎天

理批大郤隙導大窾款因其固然技經肯綮之未嘗而

況大軼孤乎良庖歲更刀割也族庖月更刀折也今臣

之刀十九年矣所解數千牛矣而刀刃若新發于硎彼  
節者有間而刀刃者無厚以無厚入有間恢恢乎其于  
遊刃必有餘地矣是以十九年而刀刃若新發于硎雖  
然每至于族吾見其難為怵然為戒視為止行為運動  
刀甚微譟獲然已解如土委地提刀而立為之四顧為  
之躊躇滿志善刀而藏之文惠君曰善哉吾聞庖丁之

言得養生焉

者然皮骨相離聲騞然聲大丁也也經首  
咸也樂章也邵李云間也竅司馬云空也

肯著骨肉也縻猶結處也輒軋戾大骨也十九年以十  
年為率而用之九年言其久也硎砥石也善刀善猶拭

也

郭注

解盡理之所觸至經首之會言其因便施巧無不開

直寄道理于技耳所好者非技也所見無非牛未能見

其理間也未嘗見全牛但見其理間也以神遇不以目

視間與理會也官知止神欲行司察之官廢縱心而順

理也依天理者不橫截也批大郤者有際之處因而批

之令離也導大窾者節解窾空就導令殊也因其固然

刀不妄加也遊刃于空未嘗經概于微礙技之妙也交

錯聚結為族視為止者不復傷目于他物也行為遲徐

其手也動刀甚微譟然已解得其宜則用力少也如土

委地解而無刀迹若聚土也善刀而藏之

拭刀而張之也以刀可養故知生亦可養

呂注

物以有而礙道以虛而通人未聞道則所見無非

物既聞道則所見無非道神遇不目視喻聞道者

以心契而不知知識也目官知止神欲自行依乎  
天理至大輒乎是乃未嘗見全牛也天下無物非道而  
無適不通亦若是而已矣所見無非牛更刃傷生之譬  
十九年而刃若新發矧不以傷其生之譬也其為形也  
未始有物不乃似其節之有間乎其為生也未始有生  
不乃似其刃之無厚乎其於游刃恢有餘地不乃似其  
體道而游萬物之間乎雖然為戒視止行遲以至善刀  
人之所畏不可不畏也怵然為戒視止行遲以至善刀  
而藏則慎終如始無敗事矣

# 李士表論

物本無物其體自離道無不通安所用解莊  
子所謂解牛者離物冥心而未常見牛乘虛

順理而未嘗經刀是亦解于無解耳且以十九年則歷  
陰陽之數不為不久所解數千牛則應世故之變不為  
不多而刃若新發矧者蓋執迹則瞬息已遷操本則亘  
古不去一身已幻孰為可奏之刀萬物皆妄孰為可解

之牛哉物我既忘能所斯泯故未嘗批而大郤自離未  
常導而大竅自釋奏刀騞然而無應物之勞釋刀而對  
而無留物之累其終也善刀而藏之復歸于無用矣以  
道觀之在解無解非解則解亦不知在解無解非解則  
解亦不立以庖丁視族庖解者解其礙也以族庖視庖  
丁礙者礙其解也解礙俱遺虛而已矣以是道而游乎  
萬物之表彼  
且惡乎礙哉

楊用修

奏刀騞然莫不中音言鼓刀之音節合拍也乃  
知天地之間無非樂也賈人之鐸諧黃鍾之律

庖丁之刀中桑林之舞至于牧童之吹葉  
閨婦之鳴砧無不比于音者樂何曾亡哉

公文軒見右師而驚曰是何人也惡

烏

乎介也天與余

其人與曰天也非人也天之生是使獨也人之貌有與



也以是知其天也非人也澤雉十步一啄百步一飲不

斲畜乎樊中神雖王去不善也

姓公文氏名軒宋人也

郭注

介偏刑之名知之所無奈何天也犯其所知人也偏刑曰獨夫師一家之知而不能兩存其足則是

知其無所奈何若以右師之知而必求兩全則心神內固形骸外獎矣豈直偏刑而已哉兩足共行曰有與有與之貌未有疑其非命也以有與命也故知獨者亦非我也是以達生之情者不務生之所無以為達命之情者不務命之所無奈何也全其自然而已斲求也樊所以籠雉也夫俯仰乎天地之間逍遙乎自得之場固養生之妙處也又何求于入籠而服養哉夫始乎適而卒未嘗適者忘適也心神長王志氣盈豫而自放于清曠之地忽然不覺善之為善也

欽定四庫全書

卷一

呂注

右師蓋人貌而天者也介然獨立故公文軒見而

本如此若夫與物接而其貌有與者則人而已矣澤雉

王不善制乎人問而不得逍遙之譬也樊中之養雖

筆乘

介獨也即見獨疑獨之獨有與則非獨矣右師知

驚問其天耶人耶言何以致此也夫天之生人自有知

之自見又為知見以益之則有與而屬之人矣即老子

為居要思以善其神耳彼知見者亦

人之樊也非至人則惡能縣解之

老聃死秦失弔之三號而出弟子曰非夫子之友邪曰

然然則弔焉若此可乎曰然始也吾以為其人也而今  
非也向吾入而弔焉有老者哭之如哭其子少者哭之  
如哭其母彼其所以會之必有不斲言而言不斲哭而  
哭者是遁天倍情忘其所受古者謂之遁天之刑適來  
夫子時也適去夫子順也安時而處順哀樂不能入也  
古者謂是帝之縣解指窮于為薪火傳也不知其盡也

秦失宋  
本作佚

郭注

秦失人弔亦弔人號亦號弟子怪其不倚戶觀化  
乃至三號不知至人無情與眾號耳故若斯可也

欽定四庫全書



卷一

老者如哭子少者如哭母嫵其先物施惠不在理上住  
故致此甚愛也夫天性所受各有本分不可逃亦不可  
加感物太深不止于當遯天者也將馳驚于憂樂之境  
雖楚戮未加而性情已困庸非刑哉適來時自生也適  
去理當死也夫哀樂生于失得也今玄通合變之士無  
時而不安無順而不處冥然與造化為一則無往而非  
我矣將何得何失孰死孰生哉故任其所受而哀樂無  
所錯其間矣以有係者為縣則無係者縣解也縣解而  
性命之情得矣此養生之要也窮盡也為薪猶前薪也  
前薪以指指盡前薪之理故火傳而不滅心得納養之  
中故命續而不絕明夫養生乃生之所以生也夫時不  
再來今不一停故人之生也一息一得耳向息非今息  
故納養而命續前火非後火故為薪而火傳火傳  
而命續由夫養得其極也世豈知其盡而更生哉

呂注

弔之為禮哭死而弔生三號則哭死為不哀無言  
而出則弔生為不足此弟子所以疑其為非友也

始吾以為其人意從老聃者皆得聃之道今見其老者少者愛慕而哭泣之不能安時處順所以知其非人也蓋必有不斲言而言不斲哭而哭者內外相成此所以會之也人之所受于天其性命之情未始有物而為之哀樂是適天倍情忘其所受無適非天而欲適之不免于刑而已矣知其適來而安之適去而順之古者謂是帝之縣解以其未嘗有死也火之所託者薪而火非薪其為薪也雖窮于指而火傳不知其盡何則火之在此薪猶彼薪也其傳豈有盡哉火以喻生薪以喻形達此則知生之所以為生者未嘗有始也何哀樂之能入哉

口義

縣者心有繫著也帝者天也知天理之自然則天亦不能以死生係著我矣故曰帝之懸解

劉堅注

薪火之論以譬神舍于形而屢移者也古之至人所以載營魄而視形骸為逆旅者以此况肯

切形而喪其尊形者乎

筆乘

按佛典有解此者曰火之傳于薪猶神之傳于形火之傳異薪猶神之傳異形前薪非後薪則知指

窮之術妙前形非後形則悟情數之感深惑者見形朽于一生便謂神情共喪猶賭火窮于一木便謂終期都盡可乎此其說亦甚精矣熊舍生趨生則猶未了之談也竊意以指計薪薪多而指有窮及火相傳燒不知其即時盡矣蓋躍金不出乎鑪浮漚必還之海以見其無死生一也前言生之當養此言死生如一豈故相反哉知死生之一者乃為善養生者耳


管見總論

達養形之理者勿傷得養神之道者無為形皆生之所託神則為生之主虛無之道是所

以養其神者也世人徒知養生而不知養其生之主養愈至而形愈失故真人誨以無以有涯隨無涯庶乎養生之旨矣夫以道存懷者無心于善惡以虛待物者何有乎刑名順中而不失其常保身盡年之理有在于是

解牛喻應物刀以喻生十九年而刀若新發剛則剗繁  
治剗不知其幾而吾之精明者愈久而不弊是為生之  
主人當善養者唯善于平日所以得濟于斯時以不用  
而成大用也至于善刀而藏則應物餘暇故知韜光物  
遂其適事盡其理而吾之利用未嘗或虧古之大隱居  
鄆接物而常應常靜得此道故也是以學道之要虛靜  
為先非虛無以全神非靜無以復命性全命復養生之  
能事畢矣如鏡當臺有鑑無迹事物于我何加焉凡人  
逐物喪真攖事拂理得失交患生能無損乎所以澤雉  
不願畜樊見于後喻老聃大聖南華所師猶云死者示  
人安時處順守常得終而遁形飛化之妙非世所測聖  
人之死曰神是已秦失弔之而三號已為方外剗法然  
弟子猶不能無疑還告以去來通然安之勿拒是謂帝  
之懸解造物不得以係之矣盡為薪之理者火傳無窮  
盡養形之理者神全不喪有形終于有盡在我不得不  
養是以卒貴乎全而歸之形得全歸則神無摻適由有

金  
入無何往而非正伏義得之而襲氣母黃帝得之而登  
雲天傳說得之騎箕尾而比列星太上云死而不亡者  
壽



莊子翼卷一